

* NUNARSUAQ TAMAKKERLUGU ATUARNEQ *

ATUA·RAKET

2012



LIBERIA

Ibis 

Ilinniartitaaneq ineriartortitsisarpoq

ATUA·RAKET

Meeqqat tamarmik ilinniarnissamik piginnaatitaaffeqarput. IBIS nunarsuarmi meeqqat tamarmik atualernissaannik qulakkeerininniarnermut suleqataavoq. AtuaRakettimi oqaluttuat atuarlugit meeqqat atuarnissamik piginnaatitaaffeqarannut tunngasunik aallusseqataavutit.



AtuaRakettiga!

Ateq: _____

Najugaq: _____

Atuarfik: _____

Atuaqatigiit: _____

Ibis 

Ilinniartitaaneq ineriartortitsisarpoq

ATUA·RAKET



AtuaRaket 2012-imut tikilluaritsi / 4

Siulequt / 6

PETER THYGESENIMIT

NUKARLERNUT ATUFFASSISUTILLU

Blessing gummiplantageami / 9

HANNE SELNÆSIMIT

Cyrus USA-liarusuppoq / 17

HANNE SELNÆSIMIT

■ Liberiami meeqqat – SAMMISAQ / 22

Lezly Boliviamiit

-Allakkassinut qujanarsuaq / 24

LISE JOSEFSEN HERMANNIMIT

Saaniluk silatooq / 27

LENE FAUERBYMIT

■ Pinngortitaq silallu pissusaa

–SAMMISAQ / 34

AKULLERNUT

Rose atuarfimmi ingerlarsorpoq / 36

HANNE SELNÆSIMIT

Atuarfik ingerlarsortiguk / 40

Meeqqat sorsuffimmiut ikiorlugit

atualerteqqikkitt / 42

2012-imi Ullut pisoqartitsiviusut / 44

Alersip tammarnera / 46

KATRINE MARIE GULDAGERIMIT



Kuup killingani motorcykelinik errorsisarfik / 55

HANNE SELNÆSIMIT

■ Meeqqat sulisorineqartarnerat – SAMMISAQ / 58

Rappertartut Harperimiut / 60

HANNE SELNÆSIMIT

Manna Ilinniartitsisukka paasisinnaanerulerpakka

-Daniel Boliviamiu / 62

CHRISTINA JENSENIMIT

■ Inuiaqatigiit piorsarsimassuserlu – SAMMISAQ / 64

Siuterorsuit / 66

ANNETTE HERZOGIMIT

ANGAJULLERNUT

Erastusip Liberia VM-imut anngutsinniarpaq / 76

HANNE SELNÆSIMIT

Nivissat vampyrinoortuupput ... / 81

HENRIK EINSPORIMIT

Celiap toqunissani annilaangaginikuusimavaa / 89

RIKKE BRUNTSE DAHLIMIT

■ Sorsunneq eqqissinerlu – SAMMISAQ / 94

Unnuap Ullaallu Inui / 97

LISE BIDSTRUPIMIT


2011-mi Atuarneq Nunarsuarmi Tamarmip

ingerlasimanera / 108

Atuakkiortut assiliartalersuisullu / 110

AtuaRaket 2012-imut tikilluaritsi

- Liberiaqataagit



Takorlooriaruk sialussuurtumi aqqusinikkut marulloqaisukkut maneeqi-sukkullu biilerlutit. Siuninni aqqusineq itersarsuaqalersimammat aqqusi-neeruteriasaartoq, tassanilu lastbiilit aqqusinermi sannerlutik marullum-mut kinngusimallutik, biilit qaavi kisimik takuneqarsinnaanngorlutik. Taava ingerlaqqikkallarunnarnak paasissavat.

Liberia ukiut 14-it innuttaasunit sorsuffiusimavoq, aqquserngit, illut, innaallagissap erngullu aqqutai aserugaasimallutik – aamma atuarfiit quliugaangata arfineq-pingasut aserugaasimasarput. Nunaavoq kusanar-toq naggorissorlu, orpippassuarujussualik qaqortunillu sioralinnik sis-salik. Nunaavorli angalaffigiuminaatsorujussuaq, tassami suut tamarmik nunap iluani ataqatigiissitsisut aqquserngit, ikaartarfiit, bussit, timmisar-tut ikaartaatillu suli amigaataammata. Atuarfiit ilinniartitsisullu aamma amigaataapput. Taamaammat 2003-mi eqqissineqarmalli IBIS-ip meeqqat atuarfinnut uterteqqinnissaat sulissutigilerpaa.

Nunarsuarmi meeqqat 67 millionit suli atuartuungillat, meeqqallu taakku ilarpassui Afrikami najugaqarput, ilai Liberiami. Inuusuttut amerlasuut Liberiami innuttaasut imminnut sorsuunnerata nalaanni atuannngitsuiis-simapput taamaalillutillu allanneq atuarnerlu ilinniannngitsoorlugu. Taakku maanna IBIS-ip atuartuunissaannut nutaamik periarfissippai. Ukioq manna AtuaRakettip atuartunngoqqinnissamut aqqut sammivaa. Atuakkamiipput Rose 14-inik ukiulik nunap sanilianiit qimaasariaqarsi-masoq maannalu Liberiami atualersimasoq, John, atuarunnaarluni mo-torcykelinik errorsinermik inuussuteqalersimasoq, aamma qatanngutigii

sisamat, sorsunnerup nalaani pikitsitsisunit tiguagaaqqasimasut, maannali atuartunngorsimasut.

Ukioq kingulleq AtuaRakettimi Carsten Jensen allappoq: "Atuarsinnaanani soorlu tassa inimi mikisumi matoqaranilu igalaaqannngitsumi mattus-saaqalluni." Neriuppugut AtuaRaketti Liberiami meeqqat inuuneranni igalaamik ammaassisuussasoq nunamilu pinngortitaq silallu pissusaa, sorsunneq eqqissinerlu aamma Afrikamiut piorsarsimassutsikkut pisuus-suterpassui pillugit matumik ammaassissasoq.

Neriuppugut AtuaRaketti atuarfissinni atuarussuseqalersitsissasoq, aamma neriutigaarput illit, meeqqat tamarmik atuarnissamik pigin-naatitaaffeqarnerannik sorsoqataassasutit. 2015-inngornissaanut ukiut pingasuinnannngorput, politikerillu neriorsuinikuupput taamanikkussa-mut nunarsuarmi meeqqat tamarmik atualersimassasut. Ataatsimoorluta politikerinut takutitsigu, meeqqat tamarmik atuarneq allannerlu ilik-kartariaqaraat, taamaaliornikkut nunarsuarmi meeqqanut tamanut matut igalaallu ammarneqassapput.

Nunarsuarmut igalaamik ammaaqaataagit

Atuarluarisi

Helle Gudmandsen



Angutitoqqap sianiinaarneqarnera

SIULEQUT, ALLATTOQ PETER TYGESEN · TITARTAASOQ: PETER WALDORPH

Oqaluttuutissavassi, angutitoqaq oqarpoq. Ulloq naallugu seqinersimavoq, maannali unnummat nillataarpoq.

Eqqaat taarinnaavoq, ikumatitalli qaamaneranit imminnut isigisinnaapput.

-Qangangorpoq sianiinaarneqarsimanera oqaluttuarissavara. Uanga aningaasat amigaatigileruttorikka sanilitta nersussuaatiga perusuppa. Tamanna oqaloqatigiissutigaarput, naggataatigullu isumaqatigiissuteqarpugut: Nersussuaatiga 3000 kr.-lerlugu pisarissavaa. Tamanna pappiaqqamut allappaa uangalu taanna atsiorpara. Allassinnaanginnamali krydsilioriarlunga inussama ipaanik 'atsiorpunga'. Taamaalilluta isumaqatigiissusiornerput naammassivarput. Nersussuaq pivaa, 500 kr-innarnilli tunillunga. Oqarpoq isumaqatigiissummi taama allaqqasoq. Ernera illoqarfimmi suliffimminit angerlarami isumaqatigiissut atuarpaa. Sianiinnerarpaa. Tassa taama ernerma oqarfigaanga. Sanilittami isumaqatigiissummi allassimavaa uanga nersussuaq 500 kr-nnassutigissagiga. Tassalu taanna atsiorsimavara.

-Ilaa eqqumiik, angutitoqaq oqarpoq, tamatta uumasuuvugut ukallitut timmiaaqatullu: Tamatta ameqarpugut meqqoqarlutaluunniit, avateqarpugut suloqarlutaluunniit, iseqarpugut, siuteqarpugut nerisagullu qanitsigut pisarlugit. Tamatta nipeqarpugut, oqaloqatigiittarpugut. Inuilli uumasunit kisiartaapput imminnut allakkatigut nalunaarfigeqatigiinnissamik ilikkarsimasut. Qaarsuni kigartuillutik imaluunniit qalipaasiutit atorlugit allassinnaasut. Inuit nalunaarutitik ungasissumi atuagassanngorlugit nassiusinnaavaat. Aamma atuakkatigut tusagassiutitigut, allakkatigut



sms-ikkullu, Facebookikkut mailikkullu nalunaaruteqarsinnaapput. Imaluunniit imminnut nalunaarfigisinnaapput oqaluttuaniluunniit atuarlutik. Inuit uumasuni tassatuaapput atuarsinnaasut allassinnaasullu. Taamaalilluta uumasoaqatitsinnit immikkoorteqaqaagut.

-Kaar', Sabrina oqarpoq. Taamatut eqqarsaatigineq ajoraluarpara.

-Ssch! John isussuppoq. Utoqqaq oqalutsillugu qalliinnarlugu oqaluttassanngilatit!

-Taamaakkaluartoq atuarneq ilinniarnikuunngisaannarpara, angutitoqaq oqarpoq. Meeraagallarama atuarfeqanngilaq. Maanna inuit uannut ilumoortumik oqalunnersut paasineq ajorpara. Allanit atuffanneqarnissara pisariaqartittuaannarpara.

-Uani atuakkami allassimavoq, nunarsuarimi meeqqat 67 millionit allannermik atuarnermillu ilinniartutik atuartunngorsinnaanngitsut. Angutitoqqatut uumatut, Sabrina oqarpoq.

-Ingasappallaaqaaq, John isumaqarpoq. ikiorneqartariaqarput.

Blessing

Blessing gummiplantageami

ALLATTOQ: HANNE SELNÆS · ASSIT: TINE HARDEN



Aluu, Blessingimik ateqarpunga. Qulingiluanik ukioqarpunga. Plantageami najugaqarpunga, ataataga gummissamik maqitit-sisarpoq. Gummi orpinnit imaattunit pisuuvoq. Orpik kigaraan-ni gummi skålimut orpimmi nivingasumut kusertarpoq.



Ilinniartitsisunngorusuppunga. Ilinniartitsisoq pitsaasoq. Meeqqat eqqissisimannngikkaangata annersittassannngilakka. Angusalutsiinnartassavakka.



Illutta saani anaa-nagalu. 11-ulluta maani najugaqar-pugut. Marlunnik ineeraqarpoq inilu mikisoq. Aamma maani sinittar-pugut.

Ilinniartitsisuma allattarfis-suarmut allannikuusai ullut tamaasa nipituumik atu- artarpagut. "Ataasinngorneq, marlunngorneq, pingasun- ngorneq, sisamanngorneq, tallimanngorneq, arfininngor- neq aamma sapaat. Atua- qatigiit tamatta ataatsikkut nipituumik atuartarpugut.

Angajuga paneqarpoq. Tallimanik qaammatilik. Alussa atarlugu imertippara.





Tamatta aalajanger-
simasunik sulias-
saqartarpugut. Uanga
ini sanertarpara.
Ullaat tamaasa ana-
nama siniffia iluar-
saattarpara. Aamma
uanga tassani sinittar-
punga. Illumi siniffiit
marluinnaapput.



Ikinngutikalu. Aamma taakku illuni sanileriaani najgaqarput. Pinnguaqa-tissaarun-neq ajorpugut.



Ikinngutigila ilagalugu nuannarinerpaasarpara. Uani ujaqqanik pinnguarpuq. Ujarak qummut miloriuttarpara. Akunnginnerani ujarak alla nunamiittoq tigussavara. Uanga ajugaavunga.



Ataataga kisimi sulif-feqarpoq. Taamaammat ilaanni neqimik pisissutis-saqarneq ajorpugut. Uani qaqqortarissat palmit orpiineersut suliaaraakka. Qaqqortarissat miseranngortarput kimittuut, su-aasalerlugit nerisarpagut.



Blessing pillugu uani paasisaqarne-rusinnaavutit ibis.dk/liberiasborn





Cyrus

Cyrus USA-liarusuppoq imerlu nillarissoq misilillugu.

Cyrus USA-liarusuppoq

ALLATTOQ: HANNE SELNÆS · ASSIT: TINE HANSEN

Illoqarfeeqqami Cyrusip najugaqarfīgisaani aqqusinierni angallat-toqanngimmat nipaqaq. Sila kiaqimmat matut igalaallu tamar-mik ammammata illuniit oqaluppalluttut kisimik tusarsaapput. Ullumi arfininngorneruvoq. Inuit errorsipput illullu silataannut manioraallutik. Ilaalu ivikkanut illulluunniit qaavinut panerserlu-git iliorarsimavaat.

Tikiukkatta Cyrusip atisani erroreersimavai. Eqqaat torerpoq. Illup saava sanerneaqqammivoq. Kukkukuut marluk sioqqaniipput. Cy-rusikkut illuat marrarmik sanaajuvoq. Igalasserrfi igalaaqanngillat, qisunnilli igalaanut matulianik matuneqarsinnaallutik. Illup qaava saviminiuvoq saattoq. Illut ilai ivigarsuarnik palmillu pilutaannik qaalersornikuupput, bambussinik marrarmillu iigaqarlutik.

Illup iluani Cyrus ataatanilu George utaqqipput. Arnaa illoqarfiliar-simavoq, suaasanik nerisassanullu uuliamik aallerluni, ilaqtariin-nut piitsunut akeqanngitsumik agguanneqartartunik. Cyrusip angutaa, illuanik nioqannginnami, taama ungasitsigisumut pisunneq saperpoq. Ukiut arfinillit matuma siorna nakorsat peersimavaat. Niumini aseruuttoorsimagami. Maanna ajaappissani igalaat saanni tigeriaannanngorlugit ilisarpai.

George 73-inik ukioqarpoq. 19-inik qitornaqarpoq. Cyrus qulingi-luanik ukioqarpoq nukarlersaallunilu. Taamaammat Cyrus aamma Benenomik ateqarpoq. Taanna isumaqarpoq: “Tamaanga killeqar-poq”.

Cyrus USA-mi najugalimmik angaqarpoq. Ukiut qulit matuma siorna angaa aallarsimavoq. Inuppassuit suliarlorlutik Liberiamiit

USA-liartarput, ilaqqatillu aningaasanik nassittarlugit. Nunani Afrikap avataaniittuni Cyrusip USA nalunngisatuaraa.

Cyrusip taamaalluni USA-liarnissani takorloortarppaa. Atuarusuppoq tasamanilu biilnik iluarsaasisartunngorluni. “Taava biilit ajortikkaangata iluarsaattassavakka, taamalillunga maani ilaqqattakka ikiorsinnaassavakka. Maqaasissagunarpakkali,” Cyrus oqarpoq. Angutaata Cyrusip aallarnissaa mersererpasillugu ileqimisaartorpoq.

Imerk nillertumik imerusuppoq

Illoqarfeeqqami innaallagiaqanngilaq, isiginnaaruteqanngilaq nillartaartitsiveqaranilu. Cyrus arfinilinnik ukioqarluni ataatani ilagalugu Monroviamiinnikuvoq, Liberiami illoqarfiit pingaarnersaanni. Inuppassuaqarpoq, niuffaffimmi sorpassuaqarpoq, illorsuaqarpoq biilerpassuaqarlunilu. Tamakku Cyrusip eqqaamavai. Aamma fjernsynerpoq.



George ludollaqqissuuvoq. Aana nerriveeraq ludortarfia.

Cyrus USA pillugu assut tusagaqarnikuvoq. USA-mi inuit amerlanerit qajannaatsunik angisuunillu illoqarput. Maani amerlasuut bambussinik sanaanik illoqarput. “Taakku sialummit anorimillu ajortiasuupput,” Cyrus oqaluttuarpoq.

“Aamma USA-mi imermik nillarissumik imertoqarsinnaavoq,” qungujulluni oqarpoq. Illoqarfeeqqaminni puilasuliamut imertartarput. Nillartaartitsiveqanngimmata taanna kissapallattarpoq.


Aamma nerisassaataat allaanerupput. “USA-mi neqitortarput, iffartortarput mannittortarlutillu. Liberiami suaasat, kassava miserarlu nerinerusarpagut.” Kassava tassaapput sorlaat takisuut. Mamaa naatsiaanut panertunut eqqaanarpoq. Miseraq palmip orpiisa qaqqortariaannit aappaluttunit sanaajusarpoq.



Cyrus ilaqutaalu katuuliupput. Sapaatit tamaasa ungasinngisaminni oqaluffinnguami naalagiartarput.

USA-mi nutaanik atisarsissaaq. Tasannagooq kiattuunngimmat qarleeraqarani, tujuuluaraqarani sandaleqaranilu oqortumik tujuuloqassaaq, skateboardertartut qarliinik qarleqassaaq angisuunillu skooqassalluni.

Ullumikkut arfininngornerummat Cyrusip ikinngutini pinnguaqtigiartorniarpai. Siullermilli errueqqaartariaqarpoq. Tassa aalajangersimasumik suliarisartagaa. Taava ikinngutini puukut atorlugit pinnguaqatigissavai, kingornalu isikkamik arsassalluni. Cyrus kinguarsimasuusarpoq. Arsartuni Ronaldinho nuannaartorinerpaasaraa.



Cyrusikkut puukut atorlugit pinnguaatigisar-tagaannut malittarisassat uani takusinnaavatit ibis.dk/liberiasbørn



Sorsunneqanngikkallarmat Cyrusikkut illuat innaallagiaqarsimagaluarpoq.



LIBERIAMI MEEQQAT

Uani Ibis.dk/liberiasbørn takusinnaavatit:

- Meeqqat AtuaRakettiittut assingi filmillu
- Suliassat soqutigintut allat
- Liberiami meeqqat pillugit ilisimasanut misiliut

Nalunngiliuk
nittartakkami meeqqat
inuusuttullu allat
takusinnaagakkit?

Meeqqat AtuaRakettiittut ilisarimanerulikkitt. Rappertartut Harperimeersut takutitsisut, Cyrusi naalagiartoq, meeqqat inuusuttullu allat Liberiamiut assingi takusinnaavatit. Aamma nittartakkami blogi nassaarisinnaavat, meeqqat AtuaRakettiittut pillugit eqqarsaatersuutitit allassinnaavatit, meeqqallu allat eqqarsaatersuutaat atuarsinnaallugit.





**Bolivia
2011**

Lezly Boliviamiit: “Allakkassinnut qujanarsuaq!”

ALLATTOQ ASSILIISORLU: LISE JOSEFSEN HERMANN

Iloqarfeeqqami Ivavirantimi assut kiappoq. Lezly tassani najugaqarpoq. Immaqa ukioq kingulleq AtuaRakettimi Lezly pillugu allagaq atuarsimassavat. Immaqaluunniimmi aamma allaffiginikuuat? Meerarpassuit allaffigisimavaat. Ullumi Lezly Danmarkimiit 1000-ingajannik allagarsivoq. Aatsaat inuuleramili postkortimik allagarsivoq. Postkortisiarpassuani ASSUT nuannaarutigai. Madsimik atilimmit allagarsiani assut alutoraa. Allassimavoq orangiamik qalipaatilimmik pulateriaarsuutitaqaqammilluni. “Postkortit kusanangaaramik”, Lezly guarani-indianerisut oqarpoq. Anaanaminut ataataminullu takutinnissai qilanaareqai.

Taakku suligamik angerlarsimangillat. Ukioq kingulleq Lezlyp angutaa sapaatikkuinnaq angerlartarpoq. Maanna qaninnerusumi suliffeqarami, unnuit tamaasa angerlartarpoq. Lezly kingullermik tusarneraniit, inuunerani assigiinngitsunik pisoqarsimavoq: Kingullermik ilaqutariit pingasunik savaasaateqarput. Taakku piaqqisimapput, maannalu tallimaallutik. Aamma amerlanerusunik kukkukuuteqalernikuupput, maanna quliupput! Lezlyp atuarneq allannerlu ilikkarnikuuai – spaniamiutut namminerlu guarani-indianeritut oqaatsini atorlugit. Maanna ukioq kingulleq AtuaRaket-timi allaaserineqarsimanini Lezlyp spaniamiutut atuarsinnaavaa.

Aamma Lezlyp siunissamut takorluugai allannguuteqarsimapput: “11-nik ukioqaleruma 6. klassilu naammassillugu kostskolerni-arpunga. Ilinniartitsisunngorusulernikuugama napparsimasunik paarsisunngorusukkunnaarlunga. Taava illoqarfeeqqanni atuartitsisunngussaanga”. Nutaamik ilinniartitsisutaarsimapput. Taanna guarani-indianerisut oqalussinnaavoq. “Taamaattumik ilinniartitsillaqqinneroqaaq”, Lezly oqarpoq.

Lezlyp allagarsiani meeraqatiminut takutissuuppai. Assut tulluusimaarutigai. Meeraqataasa torrageqaat. Qanittukkut meeqqanut tamanut nuannatsitsisoqartussaavoq. Allagarsiani tamaasa nassar-niarpai takutissorlugillu. Namminerli tamaasa atuaqqaarniarpai. “Allassimagassi nuannaqaanga. Qujanarsuaq”, Lezly oqarpoq. Qungujorujussuarlunilu.





Saaniluk silatooq

Afrikamiut oqaluttuaataat nammineq allaqqitaq

ALLATTOQ: LENE FAURBY · ASSILIARTAI: MILLE ETTRUP KLEIN

Ilaannigooq orpippassuaqarpoq uumasorpassualimmik. Uumasut nuannariillutik ataqatigiillutillu inooqatigiipput.

Ullulli ilaanni orpippassuit sajuallatsinneqarput, uumasut ilanngullugit, qatimaappalullu tutsiuppoq.

Sunaaffa nagguaatsoq. “Uanga orpippassuarni anginersaal-lungalu nukittunersaavunga,” qatimaattorsuulluni nilliavoq.

Uumasut ersilerput nuanniilliulerlutillu. Nagguaatsummi anginersuani nukittunersuanilu takoqqunermik pangaleqattaaler-poq, uumasut minnerusut tummaatarisuinnangorlugit.

“Qanoq-una iliorniassaagut?” Uumasut orpippassuarmit eqqarsarput.

Orpippassuit ungasinngisaanni tasersuaqarpoq. Aamma tassani uumasorpassuaqarpoq.

Tassani imermiutarsuaq uumasunit anginersaavoq.

Taassuma nagguaatsup qatimaappalunna tusaammagu, aamma tatsimi eqqissiveerunneqarpoq. “Uanga tatsimi anginersaal-lungalu nukittunersaavunga,” imermiutarsuaq qatimaattorsuulluni nilliavoq, imarpalutsitserujussuarlunilu. Imami aallaamatigaaq allaat tatsimi uumasut allat minnerusut ajoquserlugit.

“Qanoq-una iliorniassaagut?” Uumasut tasermit eqqarsarput.

Unnaani isussupaluk orpippassuarni tatsimilu tusarsaavoq. Uumasut tamarmik, nagguaatsoq imermiutarsuarlu minillugit, isertortumik ataatsimeersuarput. Uumasorpassuit, uumasut taakku marluk soqqusaannersuat naammagittaalliuutigaat.

Naggataatigut saaniluk sassarterpoq.

“Tusaariaritsi,” oqarpoq. Niaquarannguaminiillu pilersaarut torrallataaqisoq silatusaarulluinnagarlu annillugu. Ima torrallataatigaaq, naammassimmat uumasunit tamanit ersaartanneqarluni. Nagguaatsorli imermiutarsuarlu itinnginniassammata nipaarsaaqqissaarlutik ersaartaapput.


Ullaakkut saaniluup nagguaatsoq ornippaa.

“Tusarpara orpippassuarujussuarni anginersaallutillu nukittunersaasutit,” saaniluaraq oqarpoq.

“Aap, taamaappoq!” Nagguaatsoq qatimaluppoq. “Kialluunniit ajugaaffigisinnaanngilaanga!”

“Nukittuallaqigavinuna aperiartorikkit allunaasamik noq-qoruukkusunnerimma?” Saaniluk aperivoq.

“Qanoq-aa!” Nagguaatsoq oqarpoq. “Illit allunaasamik noqquruullutit!? Kakkammiaasiit! Taamaaliorusoqiguimmi ajunngilaq.”



“Taavami aqagu,” saaniluk oqarpoq ingerlaqqillunilu.

Imermiutarsuaq ornippaa.

“Tusarpara tasersuarmi anginersaallutillu nukittunersaasutit,” saaniluaraq oqarpoq.


“Aap, taamaappoq!” Imermiutarsuaq qatimaluppoq. “Kialluunniit ajugaaffigisinnaanngilaanga!”

“Nukittuallaqigavinuna aperiartorikkit allunaasamik noq-qoruukkusunnerimma?” Saaniluk aperivoq.

“Qanoq-aa!” Imermiutarsuaq oqarpoq. “Illit allunaasamik noqquruullutit? Kakkammiaasiit! Taamaaliorusoqiguimmi ajunngilaq.”

“Taavami aqagu,” saaniluk oqarpoq ingerlaqqillunilu.

Unnuaq taanna imermiutarsuaq nagguaatsorlu sinilluaqaat. Uumasulli sinneri allunaasaliortariaqaramik ulapputeqaat. Orpikkanik, naasunik imermi naasartunik, ivigarsuarnik naasullu allat pilu-



taannik ninngusuunik aggiussuipput. Unnuaq naavillugu perlaasil-lutillu qilersuipput. Ullaanngorluni seqineq nuisorlu allunaasaq pitsassuaq, takisooq ninngusoorlu naammassivaat.

Saaniluup allunaasaq isuatigut tigoriarlugu nagguaatsumukaappaa.

“Nagguaatsoq ataqqinartutit, aana allunaasaq. Suaartoqarpat “TASSAA” nutsullugu aallartiinnassaait,” saaniluk oqarpoq.

“Soorunami,” nagguaatsoq nikaginnippalulluni solummiutigaluni oqarpoq. “Nusuunnarlugu silaannakkoortissavakkit.”

Saaniluup allunaasap isuata aappaa tigoriarlugu imermiutarsuaq ornippaa.


“Imermiutarsuaq ataqqinartutit, aana allunaasaq. Suaartoqarpat “TASSAA” nutsullugu aallartiinnassaait,” saaniluk oqarpoq.

“Soorunami,” imermiutarsuaq nikaginnippalulluni solummiutigaluni oqarpoq. “Nusuinnarlugu tatsip itinensaata naqqatigoortissavakkit.”

Naggataatigut saaniluk, uumasut sinneri ilagalugit allunaasap qeqqata nalaanukarput,

nipissanilu tamaat suaarluni “TASSAA!”

Nagguaatsoq imermiutarsuarlu allunaasamik noqqoruutilerput.



Noqqoruukkaluaramik, noqqoruukkaluaramik nikeriassanatillu.

“Hajjaa!”, Nagguaatsoq anersaaruluppoq, qingaalu allunaasap ninngusuup peqiffiata nalaaniissimasoq kiggeqqasimanermik manissuinnanngungajassimavoq. “Kia ilimagaa, saaniluk, taama mikitigisoq, taama nukeqartigissasoq?”

“Hajjaa!”, Imermiutarsuaq anersaaruluppoq, alleruilu allunaasamik ninngusuumik nutsussimagaluarnermik naleqqatigiik-kunnaangajassimallutik. “Kia ilimagaa, saaniluk, taama mikitigisoq taama nukeqartigissasoq?”

Saaniluup uumasullu tamarmik orpippassuarneersut tatsimeersullu, allunaasap qeqqata nalaanniit, uumasorsuit taakku, allunaasap isuini assoroorpaluttumik anersaartorpallunnerat tusaasinnaavaat.

Taava saaniluk oqarpoq “Massakut!”. Allunaasarluk qeqqatigut kipillugu.

Nagguaatsoq tamminnermini niaqquminik orpimmut apormat, qanngorpallassarliuna.

Aamma tatsip eqqaani qanngorpallaqaaq, imermiutarsuaq utersarnermini tatsip naqqarpiaani ujaqqamut niaqquminik apormat.

Saaniluup nagguaatsoq niaqqumini tinunersaminik passussisoq ornippaa.


“Paasilerpiuk nukittunerusunga?” Aperivoq.
Nagguaatsup saaniluk mikisoq nakkuppaa.
“Aap, tamanna nassuerutigisariaqarpara,”
akivoq aperillunilu:”Nukiinukua taama
annertugisut timivarannguavit suani
toqqoqqatippigit?”

Taava saaniluup imermiutarsuaq
ornippaa.

Aamma taassuma niaqqumini tinu-
nersaq passuppaa.

“Paasilerpiuk uanga nukittunerusunga?”
Aperivoq.

Imermiutarsuup saaniluk mikisoq nakkup-
paa. “Aap, tamanna nassuerutigisariaqarpara,” akivoq,
aperillunilu:”Kisianni nukiit taama annertugisut timivarannguavit
suani toqqoqqatippigit?”




Saaniluk qungujuinnarpoq.

Uagut oqaluttuamik uuminnga tusarnartuusugut nalunngilar-
put saaniluup suna nukittuffigineraa.

Apeqqutaanngilarmi kina nipitunerpaamik nilliasinnaanersoq
imaluunniit timimigut nukittunerpaajunersoq.

Tassami saaniluup nukittuffia tassaavoq niaqunnguaminik
mikisumik atuilluarsinnaanera eqqarsaqqartarneralu.

Taamanerniillu saaniluk ateqalerpoq Saaniluk Silatooq.





PINNGORTITAQ SILALLU PISSUSAA

Nittartakkami ibis.dk/naturogklima:

- Liberiap orpippassui naggorissut paasisassiorfigisinnaavatit
- Liberiame uumasut ilinniarsinnaavatit
- Liberiame silap pissusaa paasisaqarfigisinnaavatit
- Agent Footprint peqatigalugu silap pissusaanut sunnuteqarfitit suunersut inississinnaavatit
- Liberiame pinngortitap pisuussutai ilikkagaqarfigisinnaavatit
- Suliassarpassuarnik soqutiginartunik nassaarsinnaavutit

Ilumoornerpa Liberiame imermiutarsuaaraq nammineq seqinermut tarnummik illersuusiorsinnaammat?
Kakaoi gummilu qanoq tunisassiarineqartarpat?
Sooruna Liberia taama guldeqartigaluni diamanteqartigalunilu taama piitsuutigisoq?
Tamakku allarpassuillu uani akissutissarsinnaavatit ibis.dk/naturogklima



Nalunngiliuk Liberiame illoqarfiit pingaarnersaat nunarsuarmi illoqarfiit siallerfiunersaannut ilaammat?
Ukiumut 5000 mm-it missaanik siallertarpoq.
København ukiumut 525 mm-iinnarnik siallertarpoq.



Rose

Rose atuarfimmi ingerlarsorpoq

ALLATTOQ HANNE SELNÆS · ASSILIISOQ TINE HARDEN

3. aamma 4.klassit ataatsikkut atuartinneqartut iserfigigaanni, Rose Young takunngitsoorneqarsinnaanngilaq. Atuariarsimasuni niviarsiarartatuaanera kisimi peqqutaanngikkaluarpoq, issiavimmiuna takisuumi bambussinik sanaajusumi qaammaqqu-taasutut illuni issianera aamma peqqutaasoq. Nujamini qernertuni, tungujortunik qaamasunik qillaaluttunik ujaraarartalmik tas-seqarpoq, atequtaanut tungujortumut qaamasumut qillaaluttumut, tujuuluaraanullu orangiamut assut tulluuttumik.

Rose Young 13-inik ukiulik, kuup Cavalap, Elfenbenskystenip Liberiallu killeqarfianiittup, eqqaani najugaqarpoq. Illoqarfik Prollomik ateqarpoq. Tassani arnaa ataatassaalu ilanngaaserisuusooq najugassarsinikuusimapput.

Rose 4. klassimi atuartuuvoq. Liberiamiut amerlasuut inersimasut meeqqallu, sorsunnerup nalaani Elfenbenskystenimi qimaasutut najugaqarnikuupput. Roseunngitsorli. Taanna killormut qimaasimavoq. Ukioq kingulleq Elfenbenskystenimi, najugaqarfigisaani, sakkortuumik eqqissiviilliortoqarsimagami aporaattoqarlunilu. Taamaammat inuit 100.000-ini amerlanerusut Liberiamut qimaasimapput. Suli amerlasuut tamaaniipput. Soorlu Rose, arnaa qatanngutaalu.

Siullermik Rose atsamini najugaqarsimagaluarpoq, atsanili USA-liartussanngormat, anaanani, uitaava nukartaanilu illoqatigilerpai. Illoqarfimmi Prollomi lastbilit gummissamik imaluunniit palmit uuliaannik ulikkaartut kuuk ikaarlugu prammimik, kuup akianiit amoorummik sipilimik amoorneqarlutik ikaarunneqarnisaminnut utaqqipput. Ikaartaalli maanna ajormat lastbilit ullut arlallit utaqqisimapput.

AKULLIIT

37



Angajoqqaat kanomik angallassisaleramik atuarfiliornis-saminut akissaqalerput

Kuuk kuukkallartillugu ullumikkut atuarfeqarpoq. Ukiut pingasut matuma siorna maani meeqqanik atuortoqanngingajavissimavoq.

Angajoqqaat arlallit meeqqamik atuanninnerat qatsunnikuusimavaat. Taamaammata ataataq arfineq-pingasunik meeralik, angajoqqaat namminnek atuarfiliortutik aallartinniassammata, aningaasanik katersilluni aallartinnikuusimavoq.

Atuarfiliornissaminut akissarsiorfissarsiorlutik angajoqqaat illoqarfimmini siunnersuisoqatigiit ornissimavaat. Siunnersuisoqatigiit kanomik angisuumik peqarsimapput, ullormut arlaleriarluni kuuklut killeqarfiusuklut ilaasunik angallassisartumik. Angajoqqaat qaammatini arlalinni kanop atornissaanut akuerisaasimapput, aningaasat isertitatik sanaartornermi atortussanut atugassanngortarlugit. Taamaallutik atuarfiup qaassaanut, qarmasissiat cementitassaanut, natip ilaanut aamma matserfinnut putullu igalaajusussat igalasserfissaanut atortussaminut aningaasanik pissarsisimapput.

Maanna illoqarfimmit kilometerit marlussuit ungasitsigisumi atuarfeerannguaqarpoq pingasunik atuartitsivinnik initalimmik. Ukiut marlunngorput angajoqqaat IBIS peqatigalugu atuarfimmik ingerlatsilerneranniit. IBIS-ip ilinniartitsisut atuarfiit siulersuisuisa pissarsiarisimasaasa, ilinniartinneqarnerat akissarsiaqartinneqarnerallu isumagisimavai. Ilinniartitsisuisa meeqqat angisuut soorlu Rose, ukiuni arfinilinni ilinniagassaat ukiuni pingasuinnarni ingerlatsittussaavaat. Meeqqallu minnerusut atuariartortartut isumagisussaallugit.

Rosep ilinniartitsisuni nuannarai, Elfenbenkystenimi ilinniartitsisutulli annersitsineq ajormata. Issiavigisaa bambusit kanaartaanit sanaajusoq, issiavigalugu iluarpallaanngilaq. Natermili nillernerusumit issianermiit iluarnuvoq. Angajoqqaat kano suli qaammatini arlalinni attartoqqinnissaanut akuerisaassappata, kuullu sarfartooq ikaaqqataareerpassuk pequtinut akissaqalissapput.

Rose pillugu uani
paasisaqarnerusinnaavutit
ibis.dk/liberiasbørn



Bambusit kanaartaat issiavittut
nerrivittullu atornerqarput.



Atuarfik ingerlarsortiguk

IBIS-ip meeqqat sorsuffimmiut atuartunngortittarpai

Liberiami sorsunneq meerarpassuit atuarnernannik unitsitsini-kuuvoq. Qujanartumik ullumikkut sorsuunneqanngilaq. IBIS-ip meeqqat inuusuttullu 10-25-llu akornanni ukiullit atualernissaat imaluunniit atualeqqinnissaat isumagai. Nunap immikkoortuani sorsunnermit aserorneqarnerpaajusimasumi IBIS-imiit ikiuup-pugut.

Atuartut angajulliit immikkoorlutik atuaqatigiipput. Ukiuni pingasuinnarni ukiuni arfinilinni ilikkagassat ilinniartarpaat. Taamaalil-lutik inuusuttuaqqat ukiut atuanngitsoorfigisimasatik angummaf-figiniapallattarpaat, inuunerminnilu ingerlariaqqillutik. Taamatut angajulliit nukarlernik atuaqateqarnissaagaluat pinngitsoortin-neqartarpoq. Assinganillu atualeqqaat angivallaanik ilaatigullu qinngasaarisartunik, atuaqateqarneq ajorput.

Atuarfik ingerlarsortinniarlugu IBIS-ip aajuku suliai:

- Atuartunut angisuunut sukkaasuumik atuartitsineq
- Ilinniartitsisunik ilinniartitsineq
- Atuartitsinermi atortussat isumagivai: allattaaviit, aqerluusat, passerit, tegnetrekantit atuartunullu atuakkat. Aamma kridtit allattarfissuillu, meeqqat nalunaaqutaq ilikkarniassammassuk nalunaaqutaq, katiterinermut pinnguaatit pississaarutillu
- Angajoqqaat, ilinniartitsisut atuarfiillu pisortaasa atuarnermut tapersersuinissaannik kajumissaarineq.

Atuartoq angajulleq
sukkaasuumik atuarnis-
saanut pitsaanerusumillu
ilinniartitsisoqarnissaanik
periarfissiguk
Ukiumut 400 kronimik
akeqarpoq



Atuarfiup ingerlarsortinneratigut Liberiami IBIS-ip meeqqat angajulliit atuarnermik, allannermik kisitsinermillu ilikkagaqarnis-saat isumagaa. Suliniut ilissi katersuiniaqataaffigisinnaajumaagarsi naammassippat, atuartut ikinninerpaamik 2.400-ut ukiuni arfini-linni atuarnerminnik naammassinnissimassapput.

Atuartut atuarfimmik ingerlarsortitseqataapput:

Liberiami IBIS-ip suliaanut aningaasartuutit ukioq manna aamma danskit atuartuininnaanniit pipput, "Atuafik ingerlarsortiguk"-imut katersuiniarnermut tapersersuisimasunit.

Illit IBIS-ip meeqqat tamarmik atuartuunissaannut suliniuteqar-neranut ikiuussinnaavutit. Qanoq iliorsinnaanerlutit qupperneq 42-mi atuarsinnaavat.





Meeqqat sorsuffimmiut ikiorlugit atualerteqqikkit

- Atuarfik ingerlarsortiguk

Liberiami meeqqat inuusuttullu amerlasuut atuarneq ajorput. Sorsunnerup kingorna atuarfiit, ilinniartitsisut atuakkallu amigaataapput. Liberiami IBIS peqatigalugu ATUARFIK INGERLARSORTIGUK. Atuaqatigiullusi katersuinaqataasinnaavusi, taamaalillusilu meeqqat inuusuttullu pitsaanerusumik siunissaqarnissaannut periarfisseeqataallusi. Saniatigut atuaqatigiullusi pinnattaassanik pinnassinnaavusi.

Imaaliussaasi

Eqquniutinik tuniniaagitsi – ilinniartitsisorsi piniareersimasinnaavoq – aamma ilissi piniaqqassinnaavusi uunga ibis.dk/skoleindsamling

Aningaasanik katersuiniarsinnaavusi atornikuerniarlusi, isiginnaartitsisusiorlusi, erinarsuusiorlusi allatorluinnarluunniit takorluuisinnaassusersi atorluarlugu.

Atuaqatigiullusi pinnattaassamik pinnassinnaavusi

- Alutornartumik iliuuseqarlusi katersuiniarsimagussi
- Atuaqatigiiaat sisamat aningaasanik katersinerpaasimasut, nuannersumik misigisaqartitaaneq pinnattaarissavaat
- 1.200 kr.-t katersorussigit IBIS-ip atuaqatigiullusi sikullerfigissavaasi

Aaku pinnattaarisinnaasasi

Hjem-is-bilimik aggertoqarneq imaluunniit Randers Regnskovimut, Cirkus Arenamut, Middelaldercenterimut filmertarfimmulluunniit atuaqatigiinnut isissutissat.



Sikut atuaqatigiinnut pinnattaassat

IBIS-ip atuaqatigiit 1.200 kr-rik katersisimasut tamaasa sikullerfigissavai. Liberiami 1.200 kr-mut meeqqat pingasut ukioq ataaseq atuarfimi pitsaasumi isumannaatsumilu aqerluusassaqarlutik, atuagassaqarlutik allattaavissaqarlutillu atuarsinnaapput!

4.b-it ukiut 600-t kingumut utersaarneq misilippaat

Ukioq kingulleq 4.b-it Rosenlundsskolemeersut aningaasanik amerlasuunik katersisimagamik Middelaldercenterimut isissutissaq pinnattaaraat. Nuannisarsimaqaat. Misigisaat soorlulusooq tidsmaskina atorlugu ukiunut akullernut piinnarluni. Katapultit atorlugit ujaqqanik igeriarneq misilissimavaat, hiisterlutillu akersuuttartunik isiginnaarlutik. Ungasissumut unaariarnerit, ujararujussuarnik miloriarnerit soorunalumi aamma ikumatitaq atorlugu nerisassiorneq misilissimavaat. "Misigisarput nuaneqaaq. Atuartut allat taamatut misigisaqarnissaat innersuusutigisinnavarput," atuartut ilinniartitsisuilu oqarput.



Isummersuutit nivinngakkit

Politikerit sassaritsi! Politikerinut postkortimik allagit titartaallutilluunniit. Allakkat tamarmik Christiansborgip silataa kaajallallugu nivinngaassorneqassapput.

IBIS-ip Aarhusimi, Aalborgimi Københavnimilu ulluni pisoqartitsiviusussatut aqqissuussinerani, isummatit saqqummiussinnaavatit. 2015-inngornissaanut ukiut pingasuinnangorput, sulilu meeqqat 67 millionit atuarfissaqaratik. Maanna politikerit qanoq iliuuseqartariaqalerput, aningaasanillu atuarfinnut, ilinniartitsisunut atuakkanullu atugassanik immikkoortitsillutik. Ilungersuussisoqartariaqalerpoq! Taamaammat IBIS-ip ilissi peqatigalusi postkortinik Christiansborg kaajallaavillugu nivinngaasuerusuppoq, politikerit meeqqat tamarmik atuartinneqartariaqarnerannut kajumissaarutisi atuarsinnaaniassammatigit.

Danmarkimi politikerit postkortimik allaffigikkit, postkorti uani nassaarisinnaavat www.ibis.dk/postkort. Meeraq atuarfissaqanngitsoq postkortimi titartarsinnaavat, nassuiarlugulu sooq illit meeqqat tamarmik atuartuusariaqarnerat pingaartinnerlugu.


Postkorti IBIS-imut nassiutissavat **kingusinnerpaamik ulloq 20. april**. Allakkatigoortissinnaavat uungalu nassiullugu, Nørrebrogade 68B, 2200 København N imaluunniit postkorti elektroniskisoq uunga verdeniskole@ibis.dk

Sap ak. 17-imi pisoqartitsiviusumi Aarhusimi, Aalborgimi Københavnimilu illit nammineq postkortiliorsinnaavutit, allunaasamullu nivinngaavissamut allat postkortiliaasa akornannut nivinngarlugu.

Allunaasap nivinngaassuivissap Christiansborgi kaajallassavaa, taamalillutillu Danmarkimi politikerit tamarmik takusinnaangusavaat, atuartut qanoq amerlatigisut, meeqqat tamarmik atuartuusariaqarnerat isumaqataaffiginaat.

Meeqqat 67 millionit atuartuunngitsut tamarmik assammikku tigusuugunik nunarsuaq kaajallassinnaassagaluarpaat. Postkortit titartakkasilu atorlugit, taakku atuartuunngitsut 67 millionit Danmarkimi politikerinut takussaasunngortissavagut.

**Ullut pisoqartitsiviusut Aalborgimi ulloq 24. april,
Aarhusimi ulloq 25. april Københavnimilu ulloq 26. april.**



Alersip tammarnera

ALLATTOQ: KATRINE MARIE GULDAGER · TITARTAGARTAI: LILLIAN BRØGGER

Ilaannigooq alerseqarpoq alerseqatinilu skaavimmi najugaqartumik. Alersit taakku aappariupput, aappariinnertillu nuannareqaat.

Unnuit tamaasa alersip aappaa aapparminut oqartarpoq:

-Illumummi illit silarsuarmi alersit kusarnarnersaraatsit!

Aappaalu akisarpoq:

-Qujanaq illillu!

Alersit taakku marluk alersinut nivinnaavimmi nivingapput. Tamarmik kappoqqummik nivinnarneqarsimapput. Ilaanneeriarluni nukappiarannguup najugaqarfigisaata atorfissaqartilertarpai. Taava kappoqqummiit peeriarlugit atisarpai. Tamanna alersit ajorineq ajorpaat. Tassamiuna suliffiat - nukappiaqqamut alersiuneq.

Nukappiaraq sandaleqakulasuuvoq, taamaalillutillu alersit silaannarissarsinnaasarput. Nukappiaqqap isigaanni eqqissisimaarujooortarput ingerlaartarlutillu, assullu avatangiisiminni takusaqartarlutik, tamannalu nuannarisaqaat.

Nukappiaqqap tikittagai tamangajaasa nalunngilaat. Tikittagai isigaasa nalaaniittut.

Atuarfik, nukappiaqqallu aanakkui aatakkuilu. Nukappiaqqap ikinngutiginerpaasaata illua. Tamakku tamaasa alersit sungiusimavaat. Allaammi ilaanni nukappiaqqap isigaanniillutik siniler-toortarput. Suummi tamaasa nalunngereeramikkit.

Ullulli ilaanni nalinginnaanngitsumik pisoqarsimariaraangat takusassat alutornartaqaat! Kingornalu nivinnaavimmi nivin-galeraangamik oqaluuserisassaqaartaqaat.

Assersuutigalugu nukappiaraq nunami allamiinnikuuvoq. Alersillu iluatsitsingaaramik kuffertimut ikineqartunut ilaapput. Alersimmi allarpassuit angerlarsimaannarput, skaavimmi susassaaleqillutik nivingarusaarlutik.

Alersit nukappiaqqamut alersiunertik nuannaraat, inuunerminnili allatuulli nuanniigisaqartarput. Alersit nuanniigisaraat panersaavik. Errortassaasiviup iluani atisat allarpassuit ipillit tipittullu akornaniilluni, errorsivimmullu ikineqariarluni qaqorsaatip qaputtuinnaap iluani kaavisinnetarluni nuanniikkaluaqisoq, panersaavik ajornersaavoq. Naalliunnaannartumik





kiarujussuaanneq ajorpoq, alersilli taakku imminnut tammaasarput.

Panersaavimmut akertiunertik takutinniarlugu alersit taakku atsiornernik katersinikuugalarput. Naatsivimmimi manioraavimmiikkusunnerusaralarput. Tassani eqqissillutik kuserusaarsinnaagamik, pisarnermissut sanileriillutik nivingarusaarlutik.

Kisianni atisat skaavimmiittut panersaavik assigiinnigitsunik isumaqarfigaat. Assersuutigalugu nukappiaqqap uinequtai isumaqarput kaaverusaarneq nuannersuusooq.

-Soorlu Tivolimiilluni! Oqartarput.

Aamma ilupaqutaasa panersaaviup iluaniinneq nuannarine-rartarpaat.

-Soorlu tassa kiattumik anorlerfigineqarluni, oqartarput.

-Soorlu nunani kiattuniilluni!

Alersillumi panersaaviup ataannarnissaa akueriinnartariaqarsimavaat, pinerilli tamaasa tassunga ikineqaleraangamik nuannaarunnaartarput.

Ikineqalerlutinaasiit alersip aappaa apparminut oqarpoq:

-Aajjaa, immitsinnut tammaannginniassasugut!

Aappa annilaangangaarami akinngilarluunniit.

Ullut ilaanni ajorluinnartumik pisoqarpoq, alersit taakku imminnut tammaammata. Nukappiaqqap atisani errortat qalainut ineeqqaminukaappai, perterlugillu aallartilluni. Arnaata qanoq iliortarnissaanik ilitsersuunnikuusimavaa. Qarliit, tujuuluit iluatigullu atisat peqqissaarlugit pertertarpei. Alersit siniffimmi-

nut ilisarpai, sorliit illugiinnersut takusinnaaniassagamigit.

Alersilliukua susut?

Nukappiaqqap takusinnaavaa alerseq ataaseq peqanngitsoq! Hajjar, tassalu nukappiaqqap nuannarinngisaa. Qinnqululerpoq.

Nukappiaqqap alerseq kiserliortoq qimallugu, aappaa aqutaani katassimasoralugu, tummeqqat kælderilu ujaasiffigai. Aamma panersaaviup tunua pujoralattorujussuaq, ilualu ujarlerfigigalarpai. Alerserli nassaassaannigilaq.

Allaammi nukappiaqqap alerseq suaaralarpaa:

-Alerseq, sumiippit?

Alerseq siniffimmi kiserlioqisoq aliasuttorujussuuvoq. Alersigaanni aatsaat aappaarluni, inuuneq isumaqartutut ittarpoq. Alerseq aappaqanngitsoq kialuunniit silarsuarmi pigerusunagulu perusunngilaa. Alerseq kisimiileraangami siunissarutiivittarpoq. Tamannalu alerseerannguup siniffimmiittup nalunngilaa. Kiisa qialerpoq.

Qiaatigaluni oqarpoq:

-Alersiugalarpunga pitsaasoq! Uanga pisuussutiginnigilara!

Alersip igitaanissani annilaangagaa. Tamatumunngalu pissutissaqarluarpoq. Immaqami suli sivisulaartumik skaavimmiissinnaatitaassaaq, alersilli aappaa saqqummeriasaanngippat, taamaalluni igitaassaaq. Taava nukappiaqqap arnaa skaavimmi torersaaleruni oqassaaq:

-Tassami taanna alerseq tammaavilluni tammarnikoq.

Taava alerseq nukappiaqqap inaani igitassanut allanut ilanngullugu puussiamut igissavaa, taamatullu alersip inuunini naassavaa.

Kisiannili alersip nukappiaqqallu ilisimannigilaat, alersinut tammarnikunut immikkut ineqarmat. Tassami taanna alerseq tammarnikoq, alerserpassuit allat ulloq taanna tammarnikut, akornanniilersimavoq.

Ilami nunarsuarmi tamarmi ullormut alersexpassuit annaaneqartarput. Upperiumanngikkaluaraanniluunniit taamaappoq. Paatsiveeruttoqannginniassammat alersit eqimattakkaarlugit ullulersorlugit inississorneqartarput, kina qanga tammarsimnersoq eqqoqqissaartumik takuneqarsinnaaniassammat.

Alerseq tammaqqasoq paatsiveerusimaakujuppoq. Panersaavimmi kaavissimanini kisiat paatsiveerusimaarutiginnigilaa, aammali sumiinnini paasisinnaangilaa. Alersit allat kikkuunerinik suminngaanneernerinillu apersoraluarpai, akineqarnerli ajorpoq, taakkumi nunanit allaneersuugamik allatut oqaaseqarumik paasineq saperpaat.

Alerseq qiasunngorpasilluni oqarpoq:

-Tassa taamaappoq alersiulluni kisimiittoq. Atorfissaqanngitsoq! Soqutaanngitsoq!

Sivitsunngitsoq alersit tunuleriaartinneqarput, Alersiunermi nalunaarsorneqassagamik. Alerseq alersip Sverigeminngaaneersup utoqqaap isumaluttullu sanianiilerpoq, taannalu oqarpoq:

-Sooruna inuit assigiinnik alerseqartartut? Assigiinngitsunimmi qalipaatinnik alerseqartaraluarpata maani nikorfassanngikkaluarpugut!

Alersip aappani skaavimmiittoq eqqarsaatigilerpaa. Takorloorsinnaangilaa kinaluunniit alerseq alersersuarluunniit alla apparissallugu. Ilami taamaaliornermilluunniit toqorusunne-russagaluarpoq.

Alerseq skaavimmi kisimiilernikoq nikallungaqaq. Alersit allat qiimmassaraluarpaat.

Oqarfigaat:

-Alersimik allamik nassaassaqaarputit!

-Kiffaanngissuseqarnerit nuannariinnaruk!

Alersip alersiunini nuannarigaluaqalugu skaavimmi unin-

ngaannarnini susaqannginninilu nuannarinngilaa. Tassalu tassaneerusaaqinnalerluni.

Sapaatit akunneri ingerlapput, kiisa ukjarpoq.

Nukappiaqqap arnaa nukappiaqqap inaanut iserpoq oqarlu-nilu:

-Torsartariaqalivissimavoq!

Nukappiaqqallu atorunnaagaanik piiaalluni aallartippoq.

Pinnngussat atortarunnaagai. Atisat mikigiligai. Alerseq.

Taakku tamarmik puussiarsuarlut angisuunut ikiorarneqarput, nukappiaqqallu arnaa oqarpoq:

-Igissapput!

Alerseq puussiap tungaanut aallaraluarlunilu tammarpoo.

Nukappiaqqap arnaa oqarpoq:

-Ila eqqumiik! Aatsaannguaq alerseq tigummiaraluarpara!

Nukappiaqqap pigisani iginneqaleraangata nuannarineq ajoramiuk qungujuinnarpoq.

Taamaalluni alerseq, alersit tammarnikut tamarmik piffigisarta-gaannut tikiinnakaseqaaq. Aamma taanna alersexpassuit nunar-suarmit tamaneersut tunuleriaat akornannut pivoq. Aamma taanna Alersiunermi nalunaarsorneqaaqqaassaaq. Nalunaarsor-neqareerami ullulerneqareerlunilu alersit tammarnikut silarsu-aannut iserpoq.

Ingerlaannaq alersip siulliulluni tammarnikup malugisin-naavaa arlaannik pisoqarniarpoq.

Piffissap ingerlanerani ikinngutitaajortorsimavoq, taakkunungalu oqarpoq:

-Soorluuna malugisinaallugu pulaartoqartussal-lunga!



Silaannarmi naamaniagaqarpoq oqarlunilu:

-Tipi ilisarisinnaavara! Ilumoernerpa alersip asanerpaasama tipigigaa?

Akunnerit marlussuit qaangiutinngitsulluunniit, alersit taakku marluk skaavimmi tulluareeqalutik sanileriillutik ni-vinganikut, ataatsimooqqilerput. Takummaaqaat, unnummallu ammalortunngorlutik imminnut nermupput.

Alersip aappaa aapparminut oqarpoq:

-Illit silarsuarmi alersinit asanarnersaavutit!

Aappaalu akivoq:

-Qujanaq illillu!

Ullaakkut alersip orpimmut ingilluni qarlorarujoorpallunera itissutigaa. Tassa alersit silarsuaanni taamaappoq. Tamaani aalisagaqaranilu timmiaaraqanngilaq, taamaallaat alerseqarpoq. Allaammi alersit illoqarlutillu naatsiivillit, qitsuaraateqanngilat, taakku alerseqarpoqartarput unnuut tamaasa iseqqullugu aggeqqusakkaminnik.

Alerseq sivirusnerpaamik tamaaniissimasoq oqarpoq:

Manna nuannarisorujussuannussavat! Maani nukapiaraqanngilaq allunaasamit nivinngaffinniit nusutseriasarsinnaasumik, allunaasaqanngilarluunniimmi, piumasatsinnut sumulluunniit angalaqattaarsinnaavugut!

Alerseq tamaanga peqqammisoq oqaaseqanngilaq.

Alerseq aapparisaq ilageqqilerlugu nuanneqaaq, taannali piumasamut angalaqattaarsinnaaneq, sumut iluaqutaassagami?

Alerseq siulliulluni tamaaniilernikoq oqarpoq:

-Takuuk, sissamukarsinnaavugut, oqaatsinik ilinniarsinnaavugut isumalioqqissaarnermillu ilinniarsinnaalluta! Tassa alersit paratiisiat!



Nuannaanngilatit?

Alersip aappaa nuannaarpallaanngilaq, imalu oqarusukkalu-arluni :

-Alersinnguaaraa, manna silarsuaq ilumoortuunngilaq!

Alersilli aamma nalunngilaa qaquguluunniit silarsuarmut piviusumut uteqqissinnaanaviarani. Qaquguluunniit alersinut nivinngaavimmut nivinngaqqinnaviannngilaq, angajoqqavisalu perorsasimasaattut alersioqqinnaviarani.

Tassa alersiulluni tammarnikoq inuuneq taamaappoq.

Qullipivoq, alersimullu aapparminut qiviarpoq oqarlunilu:

-Suut tamaasa takoru-soqaakka!

Eqqarsarporlu:

- illit najorakkit silarsuarmi inissavinniippunga.





John & Nelson

Kuup killingani motorcykelinik errorsisarfik

ALLATTOQ: HANNE SELNÆS · ASSILIISOQ: TINE HARDEN

Kuummi qorsoorujullunilu isortumi qaqorsaas, marraq uulialu motorcykelinik errorsvimminngaanneersoq akulerussuus-simapput. Eqqaanilu arnaq paninilu sisamat- tallimat missaanik ukiulik uffarput. Arnaata qulimmagu qaqorsaas qaqortoq kiinaatigut taartukkut kuuppoq. Nukappiararpaaluit motorcykelinik arfinilinnik errorsivigisaanniit meterialunik ungasitsigisumi uffarput.

Nukappiaqqat ilaat John Pokolomik ateqarpoq 14-inillu ukioqarluni. Pappiaqqamut atini allappaa. Naqinneq "J" killormut sammivoq, atinilu sivisuumik allappaa. Ikinngutaata Nelson Weahip aamma 14-inik ukiullip, atini allassinnaangilaa.

Ukioq kingulleq John Nelsonilu atuartuusimagaluarput, maannali ullup ilarujussua illoqarfiup avatinnguani kuup sinaaniittarput. Illoqarfimmi motorcykelillit, biileqartutuannuillu errorsititsiartortutik tamaangakaasarput. Siallersarnerata nalaani Liberiaq aqqu-serngini ajortissimaqisumi ataasiaannarluniluunniit ingerlagaanni, motorcykelit marullummik sussaajunnaartarput.

Ullut tamaasa aningaasarsiorniartutik kuummukartarput. Liberiami meeqqat sulisartorpassuit ilaminiinnanguaraat.

"Anaanaga qatanngutikkalu pingasut najugaqatigaakka. Atuartut uniformiik peqanngilanga skuunillu peqarnanga. Maanna atukakka kisiisa atisaraakka. Atuarnissannut akissaqannginnama atuarunnaarnikuuvunga," John Pokolo oqaluttuarpoq. Tujuuluaraa

sandaliilu alittorneqanngillat, qarleeraali pisooqaapput putoorni-kuullutillu.

Johnip nukaa 13-inik ukiulik aamma kuup sinaani sulisarpoq. Nukappiaqqat motorcykelit ipertuut errorlugit naammassiniariaraa-ngamikkit, akiliisullu siulliup akiuliutai 3-4 kr.-t tiguniariarlugit, aqqusernup killingani alannguttaasiap ataaniittut arnat ornipallat-tarpaat. Taakku igasarput, puugutarlu - suaasat qaqortut neqitallit 3,50 kr.-lerlugu tuniniartarlugit, tassalu ullormut nerisassat siulliit nukappiaqqat aqjaruinut pisartut.

Ilaanni ullormut 5,50 kr-nik aningaasarsisarpunga, ullut ilaanni marloriaataat. Aamma ataasiarlunga ullormut 20 kr.-t angungajal-lugit aningaasarsinikuuvunga,” John inersimasunngoruni mekani-kerinngornissaminik takorluugaqartoq oqarpoq.

Mekanikerinngornissami tungaanut aningaasarsiani nammineq qatanngutimilu nerisassaannut atortarpai. Aningaasanik sinneqa-raangami 75 øret, aqqusernup sinaani illuaqqat arlaanni video-filmernissamut billetsisissutigisarpai. Karatefilmit nuannariner-paasarai.

Meeqqat
sulisorineqartarnerannut
tunngasunik uani
atuaqqissinnaavutit
ibis.dk/børnearbejde

Kuummi nukappiaqqat biilnik
motorcykelinillu errorsivigisaanni
meeqqat nalunnguartut.





MEEQQAT SULISORINE- QARTARNERAT

Uani ibis.dk/børnearbejde:

- Nunarsuarmi meeqqat sulisorineqartut ilaat naapissinnaavatit
- Meeqqat pisinnaatitaaffii suunersut ilikkarsinnaavatit
- Sooq suli nunarsuarmi meeqqat sulisorineqartar-nersut paasisaqarfignerusinnaavat
- Paasisitsiniut "STOP børnearbejde - skolen er det bedste sted at arbejde" pillugu ilikkagaqarsinnaavutit

Meeqqat sulisorineqartutut taaneqartarput, meeqqat 14-it ataallugit ukiullit suliffeqarpata, peqqissusaannut ineriartornerannullu ajoqutaasinnaasumik, atuariarsinnaannginnerannillu kinguneqarpat. Piitsuussuseq meeqqallu sulisorineqartarnerat imminnut ataqatigiipput. Nunarsuarmi meerarpassuit sulisarput namminneq ilaquttamillu piitsuunerat pissutigalugit. Inuussutissaqarniarlutik sulisarput. Taamaattussaanngikkaluarpoq ...



Nalunngiliuk ...
nunarsuarmi meeqqat
sulisorineqartut 215
millioniusut affangajaat
12-it ataallugit
ukioqarmata?



Rappertartut Harperimiut

ALLATTOQ: HANNE SELNÆS · ASSILIISOQ: TINE HARDEN

Frederickip Michaelillu, rappertakkamik ilaat uatsinnut tusarnaartitsissutigileramikku, atisatik torraanerpaat atisimavaat. Illut aserugaasimasut arlaanni naapikkatta, rappertartut ghetto-blasterillu nipaannut, nukappiarpaaluit inuillu allat alapernaalerlutik aggikaasimapput.

Frederick atuaqataalu Michaeli qulingiluanik ukioqarput, qanittumilu rapperneq qitinnerlu ilinniarsimavaat. Nunaminni nipilersortartoq Emmanuel aamma Amerikarmiu 50 cent isumassarsiorfigisimavaat. Nukappiaqqat taakku nipilersornermik nuannarisallit ukiorpaalunni erinarsortarsimapput, qitittarsimallutik nipilersuutinillu kassetebändineersunit - suli Liberiami atugaaqisunit tusarnaartarsimallutik.

Ullut ilaanni, aasaanerani atuangiffik naangajaliivissoq takutitseqqullugit qinnuigineqarsimapput. Emmanuel atuarfimmi angisuumi piginnaanillit takutitsimmata aqqissuuseqataasimavoq. Takutitsinerup, aamma raatiukkut aallakaatinneqartup, meeqqat angajoqqaallu eqqaasittussaasimavai atuarnerup aallarteqqilerneranik. Tassami meerarpassuit atuangiffeqarnerup naanera pissuti-giinnarlugu atuariartorneq ajormata.

Inuppassuit takutitsisut 70-iusut takorusullugit aggikaasimapput. Nukappiaqqat takutitsinerat iluatsilluarsimaqaaq: "Nuanneqaaq, takutitsinitsinni inuit qiteqatigimmatigut," Michael oqaluttuarpoq.

Michaelip angutaa aalisartuuvoq, Frederickillu arnaa Harperip avatinnguaniittumi illoqarfeeqqaminni aalisakkanik tuniniaasartuulluni. Ilaanneeriarlutik nukappiaqqat angajoqqaatik ikiortarpaat, aningaasarsilaraangamillu pisiniarfeerannguami qanittumiittumi musikvideonik isiginnaarutissaqalertarlutik. Tassani Frederickip nuannaartorisani "Akon" – erinarsortartoq Senegalimiu USA-mi tusaamasanngorsimasooq takunikuuua.



Nukappiaqqat
Emmanuel peqatigalugu
takutitsisut uani takusinnaavatit
ibis.dk/liberiasbørn





**Bolivia
2011**

Maanna ilinniartitsisukka paasisinnaanerulerpakka

ALLATTOQ ASSILIISORLU: CHRISTINA JENSEN

Danielip talini qummut siaarlugit nikorfavoq, atuaqatinilu marluk assaasigut tigummiarlugit. Kikkuunersut takusinnaanngilai, takuniarlugillu tunumut qiviarsinnaanani. Ilinniagassat suliassallu nalunartut unitsikkallarlugit, Danielip atuaqataasalu "ilaruttoorneq" pinnguaatigaat. Danielilli isikkamik arsarneq nuannarinerpaasaraa, arsartartunngornissanilu takorloortarpaa.

Danieli 11-nik ukiulik Boliviamiuvoq. Atuarfimmi spaniamiut indianerillu oqaasii quechua atorlugit atuartitsiviusumi 5. klassimi atuartuuvoq. Danieli nunaannarmeersuuvoq quechuatuinnangajak oqaluffiusumi. Arfinilinnik ukioqarluni ilaqtannilu illoqarfimmut Sucremut nuunnikuusimapput.

Sucremiut ilaannaasa oqaasit marluk atorsinnaavaat, spaniamiutut quechuatullu. Taamaammattuarfimmi oqaasit taakku marluk ilinniarnissaat pingaartuuvoq, meeraqatitik tamaasa oqaloqatigisinnaasarniassammattigit pinnguaqatigisinnaallugillu. Inersimasunngoronik spaniamiutut pikkorissuunissaat pingaartuuvoq, pitsaasumik suliffittaarnissaat ajornanninnerussammatt.

Atuarfiup anitsiartarfiani meeqqat qiimaqalutik imminnut suaartaatinaaq oqallipput. Oqaloqatigiissinnaanngikkunik pinnguaatigisartik naammassiniarlugu "ilaajarsinnaanaviannngillat". Taamaammatt spaniamiutut quechuatullu suaartaattoqarpoq.

Danielip angerlarsimaffiani quechuat oqaasii kisimik atorneqarput, arnaa spaniamiutut oqalussinnaanngimmat. Taamaakkaluartoq Danielip suli atualernani spaniamiutut oqalunneq ilikkarpaa. "Spaniamiutoorneq tusarnaaginnarlunga ilikkarpaa, inuit oqalutut tusarnaartarlugit," Danieli oqarpoq. Danielip qatanngutai marluk nunaqarfimmi 3.klassi killiinnarlugu atuarnikuupput. Maanna ataartik ilagalugu qarmaasutut sulisarput. Danieli mekanikerimi sulisarpoq. Sulineq nuannarigaluarlugu aamma atuarneq nuannareqaa, pikkorissartortuarneq nuannarigamiuk.

Siusinnerusukkut Danieli qatanngutimisut nunaqarfimmi atuarnikuugaluarpoq. Atuarfilli nutaaq illoqarfimmiittoq ungasinngisaminniimmat nuannarineruaa. Ingammik atuarfimmi quechuat oqaasii atorlugit atuartitsisarnerat nuannaraa, taamaalilluni ilinniartitsisuni paasilluarnerusaramigit.



Aaku oqaaseqatigiit kalaallisut, danskisut, spaniamiutut quechuatullu allassimasut:
*Danielimik ateqarpunga
Jeg hedder Daniel
Me llamo Daniel
Sutiymi Daniel*





INUIAQATIGIIT PIORSARSIMASSUSERLU

Uani **ibis.dk/kulturogsamfund**:


- Liberiamiut tumerparpaarnerat tusarnaajutigalugu qitissinnaavutit
- Nerisassiornermut najoqqutassat nassaarisinnaavutit
- Liberiamiut ileqqulersuutigisartagaat alutornartut ilinniarsinnaavutit
- Afrikamiut kiinnarpaliarisartagaanik nammineq sanasinnaavutit
- Eqqagassaagaluit atorlugit pinngualiorneq ilinniarsinnaavat

Liberiami inuiaqatigiit piorsarsimassuserlu paasisassarsiorfigikkit! Ilisimariingisannik ilikkagaqarnissat qularutissaangilaq. Liberiap oqaluttuassartaa ullumikkullu ingerlanera itinerusumik paasisaqarfigisinnaavat. Eqqarsarnartuuvoq, alutornartoq immaqalu tupannartortaqarsinnaasoq ...

ibis.dk/kulturogsamfund iserfigiinnariaruk



Nalunngiliuk ...
Liberia Afrikami nunani
siullersaalluni arnamik
præsidentitaarni-
kuusoq?



Siuterorsuit

ALLATTOQ: ANNETTE HERZOG · TITARTAASOQ: JARL EGEBERG

Elinip Felixillu ataartik naatsiivimmi ikiornissaa nuannarinerpaasarinnngilaat. Tamannaavorli angajoqqaamik nunaanarmi illumut nuunnerisa kingorna, sapaatit akunnerisa naaneri tamaaviisa suliarisalernikuusaat. Arfininngornerit sapaatillu tamaasa, arfineq-pingasunut, sila qanorluunniit ikkaluaraangat naatsiivilerisitaasarpur, naasupilunnik paaallutik, orpiit pilutaanik nakkarnikunik riiverlutik imaluunniit piluttanik masattunik maajunnartunik katersillutik, masattumullu maajunnaqataannut ilioraasitaasarlutik.

Tassami ataataat, Walter Venig, aalajangersimavoq naatsiiviliusalluni, torraangaarmat eqqaamiutik sinnganngitsoorsinnaajunnaarsillugit. Walter Venigerimmi allanit tamanit sukanerpaajunissani, silatunerpaajunissani pisuujunerpaajunissanilu kisiat eqqarsaatigilersimavaa. Eqqaamiuminnit akisunerpaanik biileqarpoq, matup sianertaata amerlanerpaanik sianertaateqarpoq, allakanullu nakkartitsiviati allanit tamanit anginerulluni. Elini Felixilu nalinginnaasuutituarsuarai! Imaangikkaluarpoq atuarfimmi timersornermiluunniit kinguarsimasuusut. Aamma pinniitsuunattillu allatut maluginiagassaangillat, tamannarpiaavorlumi Walter Venigip ippigisorujussuusaa: meeqqanit allanit pitsaanerusumik allaanerussuteqannginnerat. Ataatsimik allaanerussuteqalaaruarput. Tassami meeqqani kisiartaallutik naasupilunnik paaasarpur. Taaanalu pillugu angutaata tulluusimaarutigilaartarpai.

”Tomatiutitta allat piinit anginerulernissaat aappalunnerulernissaallu utaqqilaaginnarsiuk,” oqarpoq. ”Eqqaamiugut sinngariilisapput! Qularinngivippara gulerødiutigut Blombergikassaap piinit

marloriaammik silissuseqarlutillu takissuseqassasut. Agurkiutai takuisigit? Asingangaaramik peqingallutillu allaanngivipput eertat, ha ha ha!”

Sapaatip-akunnerimi arlalialuinnaat qaangiummata naatinnikuusai tomatit, radisit, uanitsut, eertat blomkålillu sanileriaaqis-saarlutik puttussuutilerput. Erniinnaq tomatit napasuaqqanut qilerusersorneqassapput. Ulloq ataasiinnarluunniit siallersimangikkaangat imerterneqartarput. Elini Felixilu narsaatinukarti-taapput nersussuillu anaannik aallertitaallutik, naggorissaatit suulluunniit atornissaat inerteqqutaammat. Aamma angutaata naasupilunnut uumasuaqqanulluunniit ajoqutaasunut akiuussu-taasinnaasut suulluunniit tusarumaneg ajorpai, tassami naatitaatai soorunami allanit tamanit akuutissaqannginnerpaajussapput.

Siuterorsuilli takkuppet.

Siullermik mikisuaaraagaluarput. Siuteqqut kajortut aappaluar-tut qaamikkut illuaraasartaqanngitsut – isigiuminarpallaanngitsut. Siulleq Walter Venigip ullaat ilaanni suliartorluni anigami naam-mattoorpa. Pisarnermisut tuaviortupilussuuvog, allaffimmummi siullersaalluni takkunnissani pingaartittupilussuuaa. Naatsiivik-koortillunili kuanniusat pilutaanni putut qissigileriasarpai. Piluta-mit siuteroq tiguaa tummarlugulu qaarlugu.

Akunnerit aqqaneq-marluk qaangiummata angerlamut apuuk-kami (aammamiuna tassa kingullerpaajulluni soraarnissani pinga-artittupilussuusaraa), kuanniusat pilutaat amerlanerit putoqalersi-mapput – putunik suli anginerusunik. Walter Venigip siuterorsuit tallimat tummarlugit qarpai. Maajunnaqaaq, ullaq qaagaanit suli anginerummata. Ipeq skuuminiittoq ivikkanut piarpaa ullullu sin-nera isumalulluni.

Tamakkuli ullaap tulliani pisussanut sanilliullugit suunngillat. Tupangaarami qerattaannarpoq. Sapaatip siuliani Elinip Felixillu salatit ikkussorsimasaasa sorlaat kisimik sinnerussimapput. Naat-siiviup sinnera siuterorsuit aqqutikorisisamaannit nuarujuusaan-naavoq. Walter Venig oqaasipiluppoq. Siuterorsuit katersoriarlugit

puukunut igalaaminernut ikiorarpai qiuutinillu niaquiarlugit. Taava Elin Felixilu itersarpai oqarfigalugillu atuarfimmiit soraarunik na-asuninngaanniit siuterorsuit katersussagaat. Qassiunersut kisissin-naaniassagamigit puukunut igalaaminernut ikioraqquai.

Ulloq taanna siullerpaamik suliffimminut siullersaalluni isinngilaq. Aamma kingullersaalluni ingerlanngilaq. Angerlarsimaffimmini atorfissaqartinneqartutut misigisimagami, tamannalumi ilumoor-poq.

Angerlamut apuukkami nulia siuterorsuarnut toqunartusini-arluni ingerlasimavog, Elinip Felixillu siuterorsuarnik igalaamineq puukoq kisiat ulikkaarsimannigilaat, qattalli pingasut immersima-vaat. Siuterorsuit anillannginniassammata qattat matui ujaqqanik oqimaalutsersimavaat. Soorunalimi aamma ataartatik oqaluttuutin-ngilaat, sanilimik meeraasa ikiorsimagaatik, ataatamimmi meeqqat allat naatsiivimminiinnissaat nuannarineq ajormagu. Ivikkat ungalullu ajortiinnassavaat, radisit kålillu tummaariinnassavaat, oqartarpoq. Walter Venigip qattap matua ammaramiuk tupangaa-rami nakkaavaa. Siuterorsuit suli anginerulersimapput.

”Aana siuterorsuarnut toqoraat,” nulia oqarpoq. Neqeroorum-mik 10 kilomik pisisimavog. Tamakkuli Walter Venigip tusaruman-ngilluinnarpai.

”Toqoraatit maani atorneq ajorpagut, naatsiivipput maani akuu-tissaqannginnersaavoq.” Oqarpoq.

Siuterorsuit allat paasitikkumallugit, siuterorsuit ikuallassal-lugit aalajangerpoq. Elinikkut Felixilu ikuallaanermi atortussanik qisunnik kater-sueqquneqarput, illullu tunuani ikumatitsivigeq-qusaanngitsumi ikumatitaaq ikummarissimmat siuterorsuit ikual-latat tipaat soorlu tassa pølsit siaasakkat ilitsittoorsimasat. Nuaas-suat innermi qalaajusattorsuulluni siaasarpaluppoq, soorlulusooq imeq qapulik qalaartoq.

”Qaa, siuteqqunut toqoraat atorallaak!” Nuliata qinnuigigalu-arpaa. Siuterorsuit ikuallatat tipaat merianngussutigigamiuk,

arfinernut nerigamik iisisinnaarpiangilarluunniit. Iisisinnaarpianginnera aappaatigut ajunngilaq, Walter Venig eqqarsarpoq. Tassami aamma salunnerpaamik pinnernerpaamillu nuliaqarnini oqarataarutigerusuttaraluaramiuk.

Kingusinnerusukkut naatsiiviutimi sinnikuani nikallungalluni pisoqattaarujoorpoq. Ivikkat, orpiit paarnaqartartut orpigaaluillu, siuterorsuit attorsimanngisaat kisimik qorsuunersanngorsimapput. Aatsaat naatsiivini portunerpaanik ungalulersimaga-miuk uggualerpoq, taamaangikkaluarpammi siuterorsuit sanilimik naatitaatai nerisimaneraat takusinnaassagaluaramiuk. Taamaalior-simasuuppata tuppallersaatigissagaluaqaa, taamaattumik sanilitik apersoriartorpai.

”Immaqaana naatsiiviga sinngagineramik siuterorsuit amii-laarnaqisut uagut naatsiivitsinnut igissimagaat,” taakku naatsiiviminni siuterorsuarnik takusaqarsimanngitsut paasigamiuk, isumalulluni nipikittuliorpoq. ”Qujanartumik aqagu arfininngorne-russaaq, taava Felix Elinilu siuteqqunik katersuinissaminnut piffissaqassaqaat. Minnerpaat, soorunamilu aamma manni ilan-gullugit katersussavaat. Tamatuma kingorna naatitassanik nutaa-nik ikkussuissaagut. Eqqaamiutta ajoqusiinertik nuannaarutigis-innaajunnaassavaat.”

Soorunami Elini Felixilu nuannaajallanngillat. Neriussimagalu-arpummi ataatamik torraanerpaamik naatitanut naatsiiveqarniar-nini taamaatiinnassagaa. Taava namminneq meeqqat eqqaamiutik arsaqatiginissaannut piffissaqalissagaluarput. Susoqarpmmita aatsaat ataataat tunniutiinnassava?

Aqaguani ullaakkut nilliarpalummik itertineqarput. Susoqar-nersoq paasiniarlugu ammukarput, amiilaaqaalutillu takulerpaat isertarfitsik siuterorsuarnik, pualasuunik aappalorujuttunik kajo-rujuttunillu ulikkaartoq. Minnerit eqeqqutut mikitigaat annerillu pølsitut aappaluttutut takitigaat marloriaataatalu missaanik silissu-seqarlutik. Kigaatsumik sakkutooqatigiissuartut igaffiup tungaanut ingerlaarput, aqqutikortik nateq ipiitsuusaraluaqisoq nuarujuusar-

suarmik suujunnaartillugu. Ajornerpaavorli ilaat ilaminnit avissar-simasut qaliap tungaanut ingerlalersimammata.

”Qaa, siuteqqunut toqoraat atorniaruk!” Elinip Felixillu arnaat nilliavoq. Kiisami Walter Venig tunniutiinnarpoq. ”Ajornartuui-nermi toqoraat atorneqalaarsinnaavoq,” imminut eqqississarluni oqarfigaaq. ”Kialuunniit naatsiivippu akuitissaqarnersoq akuutis-saqannginnersorluunniit takusinnaangilaa. Taamaaliornermiuna isumassarsialsialaangitsoq.”

Poorsuaq kælderimittuq aavaa, isaarissallu natianut iligamiuk siuteror-passuit qaararput. Siuterorsuit qaararmata ilumiui inger-laannaq ilaasa nerrippaat.

”Erniinnaq pissutsit aqussinnaangussavagut,” neriorsuivoq.

Ilami torrallataagaluaqaaq. Siuterorsuit, toqunartut qorsuit qaamasut, qaaminnut kuerakkat iioraannavippaat. ”Qaa assut, ner-rinniaritsi! Piluttanuku nutaat mamartut, ha ha ha!” Pilerisaarivoq. Seerpaluusanneq qalaarpaluusartoq tusarsaalerpoq. Siuterorsuarniit



nuarujuusassuaq seerisoq isigalugu maajunnangaarmat, Elini Felixilu ineeqqaminnukarput matulu parnaarlugu. Aatsaat siuterorsuit toqorarmata, sinneruttuilu panerlutik natermut nippussuummata, iniminniit anillapput.

Elin Felixilu ulloq taanna naatsiivimmiingillat. Taarsiullugu anaanartik siuterorsuarnik natermi paaasoq ikiorpaat. Taamaanerani angutaat pisiniarfiliarsivoq. Immiaaqqamik narajalersukkanik pullarsersussamaalersimavoq. Tusarsimagamiuk siuterorsuit immiaaranngersuusut, immiaaqqamullu ipitinneqarsinnaasut.

Immiaaraq Harboe 20 literi nassarlugu uterpoq, qattanullu pingasunut kuerarlugu. Pisaqarluarumalluni naatsiivimmut iliorarpai. "Taamaaliortuta sinneruttut suujunnaarsissavagut. Taava aqagu naatsitassanik nutaanik ikkussueqqissaanga. Ilissilu, Felix Elinilu, soorunami ikiussavassinga."

Allatorluinnarli pisoqarpoq. Unnuaa Elinip nipit eqqumiitsut itissutigai. Allaanngivippoq arlaat kukkulluni isersimasoq matulu nassaarineq ajulerpallallugu. Qatanngutini itersarpaa, Felixillu qaammartartuni ikimmagu Elinip matu ammarpaa. Matoqqipiloorpaali nilliarialuaramilu nipeqanngilarluunniit. Siuterorsuaq ineeraanik saneqqussisoq puulukitut nersussuaqqatulluunniit angitigaaq. Ilami immaqa nersussuartulluunniit angitigaaq, takuluannginnamiummi naatsorsorsinnaarpianngilaa. Takuaali nuarujuusaqartoq, meqqoqarani nioqaranilu.

"Nissaakkami immiaraarsunneqaaq," Elini isussuppoq.

Allanik siuterorsuarnik taama angitigisunik illup iluanittoqarnerluni? Ataataata aamma taamaattorsuarnik katersueqqussanerpai? Felix Elinilu maajugusoqaat. Taamaattoqaannarsinnaanngilaaq.

"Ilami siuterorsuilluunniit naatsiivilerinersuanik unitsitsisinaasuugunik! Taava arsarnissatsinnut piffissaqalissagaluarpuq," Felix anersaarululluni oqarpoq.

Elini eqqarsariarluni aperivoq: "Qanoq iliornissatsinnut isumasarsigaluarpunga, qununngilatit?"

Qujanartumik siuterorsuarmik allamik nassaanngillat, taassu-

marసుులి ataatsip tiguniarsarinera, tummeqqakkut ammukaannera, nappartamut ikiniarsarinera taassumalu matuniarsarinera maajunnangaarmat oqaluttuassaannngilarluunniit.

Taamaaliornertilli iluaqutigiinnarpaat.

Aqaguani ataartik paasitinniarsaraat eqqaamiumik tomatit akuutissartaqanngitsut kisiisa pillugit sinngaginngikkaatik, aammali naatsiiviup ivigaaralittaa anginersaanera málertarfillu nutaajunersaanerat aamma sinngagigaat. Soorunami iluatsitsinngillat.

"Ivigaaralittaa sumut atussagakku?" Walter Venig qatimaluppoq. "Issianissannut qasuersaarnissannullu piffissaqanngisaannarpunga. Málertarfiit puiuinnaarsigit. Málerialuaraangassi uniorlusi naatitsiviga aserortiinnassavarsi."



“Naatsiivik sumiittoq?” Elini aperivoq nappartallu matua peerlugu. Siuterorsuup niaquni nuisippaa, alleqqissimagami inissaarutiliivissimavoq. Nappartamiit imminut nakkartippoq nunamullu nipilimmik tulluni. Isersuamilu napparutaasassui peqiteriarlugit orpiit, Walter Venigip qanittukkut ikkussimasaasa, iipileqartartut kirsebæreqartartullu tungaannut aallaruni.

“Aatsaat arsaattarfittaassagutta tigussavarput,” Elin oqarpoq.

Felixip nappartap ataa takoriarlugu oqarpoq: “Manniloreersimavoq.”

“Naammagittarsinnaanera tamaanga killeqarpoq!” Arnaat is-siavimmiit nikuipilooriutaa oqarpoq. “Taamatut ingerlaannarutta allamut nuussaanga.”

Walter Venig nipaarutiivilluni issiavoq, uumasorujussuarlu pualasooq aqquatikuni nuarujuusaanngorlugu ingerlasoq nakkullugu. Aalariarnerit tamaasa misarpaluusattarpoq sulilu alliarlorluni.

“Qanoq-una iliorniassaanga? Aamma tassa orpiutikka nerillugit aallartippai ..” Nipikitsuliorpoq.

“Ila qaquguuna meeqqavit qanoq silatutiginerat paasissagit?” Nuliata oqarfigaa. “Naatsiiviit naatsiivinnit anginerpaangortin-naruk! Siuterorsuit ivikkat kisiisa attorsimangilaat.”

“Marlunnik málertarfilimmik,” Elini piumasaqarpoq.

“Ajunngilarmi taamaaliuinnarniarta, siullermilli eqqaamiutta nunarsuarmi siuterorsuit anginersaat naatsiivitsinni najugaqartoq takoqqaartariaqarpaat.” Anersaarululluni oqarpoq.

Piumasaaatullu pisoqarpoq. Elinikkut Felixillu siuterorsuaq pisarivaat, eqqaamiumillu takusarsinnaaniassammassuk garage-amut mattullugu. Nunarsuarmi tamarmi anginerpaamik maajun-nerpaamillu siuterorsuaateqarnini qularutissaanngimmat Walter Venig pilluaatigingajalluinnarpaaluunniit. Illoqarfiup aviisiata tusagassior-toq assiliisartorlu Walter Venigikkunnukartippai, uumasuusivissuarmiullu taama uumasooq qaquitigoorluinnartigisoq atorumallugu sianerlutik.

“Atuinnarnagu piinnarsiuk,” Walter Venigip pitsaasaaqaluni oqarpoq. Ullulli tulliani uumasut puuannik nassarlutik biilimillu immikkut sanaamik angallateqarlutik takkummata, siuterorsuaq sumiiffeeruppoq. Kialuunniit ilisimangilaa sumut pisimanersoq. Ilisimatuut manni kisiisa naammagiinnartariaqarlugit tiguaat, utimulli biilnik ingerlaartillutik biiliat aqqusinermi nuarujuusassuaq quaafigalugu biilit ajutoormata manniit tamarmik aserorneqarput.

Taamaalinerani Felixip Elinillu naatsiivik allanngorlugu suliaripallareersimavaat ivigaarassanillu ikkussuiffigalugu. Tassalu naggammik naatsiivimmi suliaqarnerat. Eqqaamiuisa naatsiivik ivigaaralik anginerpaaq tusapallareersimavaat. Kingornatigullu Walter Venig meeqqanik pulaartoqarnerpaasartutut tusaamasaalerpoq. Namminerlumi aamma málmandiullattaasarpoq.

Pinerillu tamaasa arsaq annaakkaangamiuk oqartarpoq: “Uanga eqqaamiutsinni málmandiullaqqinnerpaavunga.” Taassumalu apisalenera uggorinerpaajuaa. Aasaq qaangiuppoq ukiorlu takkulluni, piffisallu taama sukkatigisumik ingerlasimanera malugisimanngilaaluunniit. Soorunalimi eqqaamioriinni apummik inuusaliaq anginerpaaq Walter Venigip naatsiiviani sananeqarpoq. Aamma juullermat orpik portunerpaaq pisiaraa.

Elinip Felixillu juullimi atuakkamik Guinness Rekordbogimik tunivaat.

“Qupperneq 10 qupperiaruk,” oqarfigaat.

Walter Venigip atuagaq qupperpaa, inuk siuterorsuaq angisoorujussuaq tummarlugu assilisissimasooq takuaa – soorlu tassa piniartup pisaani assiliseqatigisimagaa. Siuterorsuaq imermiutarsuarmut assinguvoq angullu sanianiittoq

“Arraa uangaana!” Walter Venig ingittariaqarpoq. Aatsaat taama inuulillaramili nuannaartigaaq.

“Ilaa meeqqagunuku eqqaamiutsinnit tamanit silassorinnerpaa-justu?” Killitsisimaarluni nuliamentut oqarpoq.

Elini Felixilu anngaaginnarput.



Erastus

Erastusip Liberia VM- imut anngutsinniarpaa

ALLATTOQ: HANNE SELNÆS · ASSILIISOQ: TINE HARDEN

Arsaattarfiup sioraasup ungaluisa qarmat silatinnguanni politiit biilii uninngapput. Ulloq taanna tallimanngornerugaa kikkut arsaattarfiup eqqaaniinersut politiit nakkutigaat. Qarmat iluatungaanni Erastus Wee 17-inik ukiulik, tungujortunik qaamasunik arsaatilerluni, sungiusaatigalugu unamminissamut kissasserpoq. Erastus arsaattartoqatigiinni inuusunnersaavoq. Inuusutissarsiuutigalugu arsaartuuvoq klubbimiillu neriuuteqarfigineqartorujussuulluni. Tamannali politiit tamaaniinnerannut biilillu Toyotat Landcruiserit arsaaffiup silatinnguaniinnerannut peqqutaanngilaq.

Politiinuku Robert Sirleaf paarigaat. Præsidentip erneraa arsaattartoqatigiinnullu BYC-ikkunnut – Barracks Young Controllersik-kunnut- aningaasaliisartuulluni. Taassumap USA-mi attaveqarfigisartakkani aqqutigalugit BYC-ikkut illoqarfiup pingaarnersaanni Monroviami arsaattarfeqalernerat isumagisimavaa. Klubbip arsaattartunik nutaanik pisisinnaanissaa, arsaattartut akissarsisinnaanissaat arsaassutissaqarnissaallu isumagisarpari. Aamma taannaavoq arsaattartut sungiusarnissamut agginngitsoorsimagaangata, imaluunniit ilinniakkamik, klubbip akilertagaani, ingerlataqanngikkaangata oqaqqissaarisartoq.

Piginnaanilinnik ujaasisartumit nassaarineqarsimavoq

Erastus 16-inik ukioqarluni illoqarfimmi klubbip unammisaqattaarneranni unammeqataanermi, piginnaanilinnik ujaasisartumit takuneqarsimavoq. Arsaattartoqatigiinni nukarlarsaalluni kisimilu klubbimut ukiunik tallimanik sivilissusilimmik isumaqatigiisuteqarluni ilannguppoq.

”Arsartartoqatikka nuannareqaakka. Qatanngutigiiittut ippugut. Robertip tamatta naligiittut misigisimalersittarpaatigit arsaartutullu assigiinnik periarfissaqartilluta. Taamaammata ataatamik taasarpaa,” Erastus oqarpoq. Angajoqqaavi, qatanngutaalu marluk illoqarfiup avatinnguani najugaqarput. Taakku Erastus, illoqarfimmi klubbeqatinilu marluutaannik klubbip inissarseriarmagu, sapaatit akunnerisa naanerini pulaartarpaat.

Arsaqatigisartagai sms-ersinnaanngillat

Erastus arsaattartoqatigiinnit, klubbip ilinniagaqarnissamik neqeroorutaanik aallartitsisimasut sisamaasut ilagaat. Qarasaasiamut pikkorissarneq ingerlappaa. Ukioq kingulleq ajunngitsumik sorarummeeruteqarluni ilinniarnertuunngorsimavoq.

”Ataataga palasiuvoq, atuartuunissaralu isumagiuaannarnikuullugu. Taamaammata atuarluarpunga,” Erastus oqarpoq. Aasaaneranilu atuannngiffik naappat ilisimatusarfimmi ilinnialernissaminik pilersaaruteqarpoq.

Kissas-
sernerup
nalaani
erinarsor-
toqartar-
poq, arpat-
toqarluni
illartoqar-
lunilu.



”Arsartartuuneq inuussutissarsiutigerusuppara, taamaassinnaajun-
naarumalu sungiusaasunngorusullunga. Taamaakkaluartoq ilinnia-
gaqarnissaq pingaaruteqarpoq. Ilinniagaqarsimagaannimi aningaa-
sarsiat paarilluarneqarnerusinnaapput atornerlunneqarnissarlu
pinngitsoorneqarsinnaalluni,” tujuuluaraq unamminermi atortak-
kani Hummeleq atiutigalugu oqarpoq.

BYC-imeersut arfinillit Liberiap nunanut allanut unammisar-
toqatigiivini arstartuupput. Klubbili nunami nukittunerpaanut
ilaagaluartoq, arsaattartut ilaminiinnanngui atorsinnaasaminnik
ilinniagaqarsimapput. Ilaasaluunniimmi atitik allassinnaanngilaat,
allassinnaanngitsortaallu sms-erniaraangamik allaassunneqarta-
riaqartarput.

Arsenal VM-ilu

Erastusip Europami klubbit arlaanni inuussutissarsiutigalugu
arsaattartunngornissani takorluugaraa. Arsenalimi arsaattartun-
ngornissani pileriginersaavaa.

Arsaqataalluni Liberiap isikkamik arsaannermi VM-imut anngun-
nissaa angorusunnerpaasaraa.

Kissasernerup naammassivoq. Erastus arsalerpoq 15-imik nor-
moqarluni. Siuarsimasuuvoq. Ullaaq taanna pingasoriarluni arsaq

isertinngitsoorpa. Arsarnerlu taamaatimmat sungiusaasup,
arsaqataasa Erastusillu nammineq angusartik tulluussimaarutigin-
ngilaat, naak unammineq BYC-imut 5 -0-imik inerneqaraluartoq.
Oqarfigineqapiluullattaavoq. Erastusip sikingalluni arsaassutini
nakkuppai.

”Nukarlorsaagama arsaattartoqatigiinni inissara nassaariartari-
aqarpara. Ilaanni isertitsinngitsooraangama nilliaffigisarpaangga.
Kisianni angajutulli isigigakkit ataqqisarpakka,” unamminerup
kingorna Erastus oqaluttuarpoq. Aammali ilaanni isertitsinngit-
sooraluartoq qiimmassarlugu tunuatigut pattalaartarpat.

”Oqaruserneq nuannareqaarput, tassalu BYC-imi arsaattartuuner-
mi nuannernerpaat ilaat. Nuannaartuunissarmi pingaernerpaavoq,”
qungujulluni oqarpoq, ingerlallunilu ilani, sungiusaasuni Rob
Sirleafilu ornillugit, taassuminngalu eqitaarterujussuarluni.

**Arsaattartoqatigiit aningaasaliisartuata, Robert Sirleafip, Erastus
sungiusaatigalugu unamminermi isertitsinngitsooqqammisooq
qiimmassarniarsaraa.**



**Paasisaqarneru-
sinnaavutit uani
ibis.dk/liberiasbørn**



Nivissat vampyrinoortuupput...

ALLATTOQ: HENRIK EINSPOR · TITARTAGARTAI: RASMUS JENSEN

... JULIELU MINITAANNGILAQ. Soorunami Twilight, Vampire Diaries asanninnilersaarutillu allat aattaqaqisut takunikuullugillu atuarnikuuai, ineeraatalu igai angutinik kusanartunik tulorialinnik ulikkaarput. TAAMAAMMAT vampyrfansit nittartagaanni, alakkal-lattaasartakkamini unammisitsinermut soorunami ilannguppoq. Apeqqut nalunanngitsuararsuaq akeriarlugu asseq ilanngullugu nassutiinnassaaq, kiisalu ajugaasoq pissarsiarineqarsinnaaniassamat mobilip normua ilanngunneqassalluni. Imaanngikkaluarpoq ajugaanissani naatsorsuutigigaa, aappaatigulli kinaluunniit ajugaarisaarsinnaavoq!

TAAMATULLU PISOQARPOQ; Julie ajugaavoq! Suna pissarsiaraa? Ungasinngitsumi vampyrfilmiliassami inuttat ilaattut ilaanissaq – Vampyrrip tigusaa - Danmarkimi immiunneqartussami. Vampyr-filmip Danmarkimi immiunneqarnissaa eqqumiikkaluarpoq. Sunami ajornarami? Soorunami suut tamarmik suli isertuussaasorujus-suupput, taama angut ajugaanerani kalerrilluni sianertoq oqar-poq. Julie kimulluunniit tamanna pillugu oqaaseqaqqussaannigilaq.

Julie nuannaartupilussuuvoq. Ilami filmimi ilaanissaq takorloorsinnaarpiannigilaaluunniit. Aammaluunniimmi vampyrfilmeq. Ilami takutinneqaqqaarnerani, assiliutit qaammallattarnerini nuannaar-torinnittullu nillerrattarneranni natersuakkut aappaluttukkoornisani takorluulereerpa. Atuaqatai usorussallutik.

Ajoraluartumilli filmip immiunneqarluni naammassinissaata tungaanut kimulluunniit oqaatigisinnaanngilaa. Angutilli oqarasuaatikkut neriorsorpa, naammassippat nutaarsiassaq Facebookik-kut saqqummiussinnaassagaa, taava atuarfiup tamarmi, tassami

Danmarkimi tamarmi, tusarneqassaaq filmimi inuttaaqataasimasooq.

Tusaamasanngusaaq qularnanngitsumillu Go’aften Danmarkimi, Vild med Dansimi programminilu allarpassuarni ilaasalerumaarpoq.

FILMIP ILAA aserorterivimmi pisoqqami immiunneqassaaq. Aserorterivik, nalaatsornerinnarmik Juliekkunnut ungasippallaanngitsoq. Aserorterivimmi, filmip manuskriptia naapertorlugu vampyrip inuunermiingerlavisa nalaatissavaa. Niviarsiaaraq, Juliep inuttaaffissaa, qungasiatigut kiinialeruttorlugu aserorteriviup maskiinaanut kavaajaa naatittuusaaq, nusutsikkunilu aserorterivimmi makrelsalatitit sequmissimatigilissaaq, Julielu annassalluni. Naanera torrassaaq, Julie eqqarsarpoq, torrannerulaassagunaralarporli vampyri qisummik ipittumik uummammigut kapi-neqaralarpat imaluunniit seqernup qinngorneranit nuiffigineqaralarpat pujoralaannangorluni. Tassa kisianni Vampyrip tigusaa asannilersaarutaassagami illarnartoq, uummammigut kapitittumik ilaqassanngilaq. Aammami ajunngilaq.

IMMIUSSINERIT ullualuit qaangiuppata aallartittussaapput, filmiliortussat inuttaasussallu Danmarkimut tikeriarpata. Taamaammatt Julie sungiusalereerpoq. Qujanartumilli ersisutut isikkoqaannartussaavoq nilliarujussuortarlanilu. Nalunanneqaaq. Unnuit tamaasa tarrarsuutimi saavanut pilluni mitarrisaqattaarluni ersisutullu isikkoqarniartarluni sungiusartarpoq, nipeqanngitsumillu nilliasuusaartarluni, anaananimi pasitsatsinnginniassagamiuk.

Scenemi ataasiinnarmi ilaanissani pikkunaagilaalaruarpaa. Kisianimi aamma naatsorsuutigineqarsinnaanngilaq Amerikarmiut vampyrfilmiliaanni inuttaassagaanni, asuli aqqusinermiit isiinnarluni aallartittoqarsinnaasoq. Naak nittartakkakut ajugaani-kuugaluarluni. Julielli qularinngilaa, Hollywoodermiut tupaal-

latsissallugit. Sivitsunngitsoq nillianera tusaassavaat. Takutissaqqaarpai.

KIISAMI ulloq immiussivissaaq nallerpoq. Unnuaq taanna Julie sinippianngilaq, aammami sininnissaminut piffissaqannginnami, atisat tulluarsinnaasut misileraramigut, tanit-taattaarluni nutsanilu iluarsaallugit.


Ullaaralaakkut tallimanut piareerpoq. Soorunami qasoqqalaalaruarpoo, taninninili nutsamilu aaqqissorneri torrallassimaqai. Aasaajunnaareeraluaroo kjolini aasarsiut qaortoq atisimavaa. Illumiillu aninissaa tullinguuppoq, angujuminit anaanaminillu tusaaneqarani. Tamannalumi Juliemut ajornanneqaaq. Vampyritullusooq nipeqanngitsigisumik illup iluatigooriarluni taarinnarmut anivoq. Allaat angajumi pinneraatitut tarngutaasivia ilanngullugu annippaa.

ASERORTERIVIUP TUNGAANUT kilometerimininnguit cykelernerani narsaatit putsumit qallerneqarsimapput. Qilammi qaammat qaammareqaaq. Pitsaanagerusinnaanngilaq. Ajoraluartumilli pitsaanagerusinnaasimagaluarpoq.

Juliep naatsorsuutigisimagaluarpa filmiliornermi qulliit, assiliissutit, campingvognit, inuttaasussat, pinnerasaartut inuillu amerlasuut immiussinissamat piareersarlutik tamaaniissasut. Qattorngulli qaani takusatuaa tassa aserorterivitoqarsuaq.

Immaqaana arlaannik paatsuugaqarsimasooq? Naagga, qularutiginngilaa ullumiusussaasoq. Ullaakkut arfinernut. Seqernup nuinnginnerani immiussinerit aallartinneqarnissaat pingaaruteqartupilussuuvooq. Tamanna pingaartittupilussuuaat.

Allatummi ajornaqimmat utaqqilerpoq. Cykelini ilivai aserorteriullu silataanni issiavimmut takisuumut ingilluni. Pinnerasaataasivimmiit tarrarsuut tigoriarlugu pinnerasaqanini ajunnginnersoq misissorpaa. Isikkorittariaqarpomi.



15 MINUTSIT INGERLAPPUT, akunnerup affaa, sulilu susoqarani. Kiisa Julie peqqusiileqikujulerpoq. Tassami filmimi inuttaasussatut arlaannik paatsuugaqarsimaguni peqqusiileqinassaqaq. Atisani saaqimmata qiialerpoq. Talini tagiartuutigalugit aserorterivik kaajallallugu pisuppoq. Kaajallariarlugu aamma utimut kaajallaqqippaa. Aserorteriviup matua matoqqavoq. Ammariaraluarpa, soorunalimi parnaaqqavoq. Tamaani arlaanni uppik tusaaneqarsinnaavoq. Hajja.

Oqarasuaatini ikumanersoq takuaa. Ikumavoq nalunaarutisiasaqanngilarli. Susassaaleqilerami spillilerpoq. Suli eqqissiveqanngitsutut misigisimavoq, tarranilu misissoqqillugu. Isimi sinaasa qallumilu tarngutaat iluarseqqilaarpai. Angajuata tarnutaasivini atornerqarsimasoq paasisuuguniuk kamassagaluaqaq. Allatulli ajornaqaq. Tarrarsuutikkut aserorteriviup matua takusinnaavaa ...ta! Julie tunumut saappoq. Maanna matu ammalaalersimavoq. Nipeqanngitsumik ammarsimavoq. Iluanilu taarinnarmi inoqartoq takusinnaavaa isigigaanilu malugisinnaallugu. Nilliallappoq tarrarsuullu ilipallallugu.

-Aluu, nutsani tagiaatigalugit oqarpoq. Tupaqaq. Aamma illit takkutiaarpallaarsimagavit?

Takusinnaavaa angutaasoq amitsoq qarsungasorlu. Kusanar-tunik qanganisarpalaartunik atisaqarpoq, soorlu filmiintartut-tungajak. Soorunami taamaattussaagami! Onkel Joakimip paaviaa-sullu nasarisartagaata assinganik nasaqarpoq. Twilightimi inuttat arlaannaannulluunniit assingunngilaq. Angulli kusananngitsoq angalaannartoq assigineruaa. Ilami aamma ipiaanngusutut aner-saartuutigaluni, niparaqarani isiginera quilertanarpoq. Immaqaana angalaannartut arlaat aserorterivimmi unnuisimasoq. Julie tunu-mut alloriarpoq, orneriassappani qimaariaannangorluni. Ni-paqanngilaaqqaarput, Julieli qunusuisaavilluni oqarpoq:

-Kinaavit? Filmiliaritittartuuit? Eerhm, do you speak English?

AKINNGILAQ. Nalunaaqqutaqqani guldteq vestimi kaasarfianiit tigoriarlugu matua ammarpaa sivisuumillu nakkullugu. Kangi-



mut qissimippoq. Qilak aappillilaalersimavoq. Seqinerli uatsilaaq nuissaaq. Juliemut qiviaqqippoq qungujullunilu. Siggui kiinaani sungaarujungajattumi qernerujuttut qungujupput.

-Ilaa illinuna vildmedvampyr.dk-iminngaanneersoq? Kigaatsu-mik iggiingasumik oqaluppoq, Juliellu tusaaniarsuaartariaqarpaa. -Illit; ajugaaniutsitsinermi ajugaasoq?

Oqaasissaarutiivikkaluarpoq. Ilumoorpoq nittartakkami tassani profileqarnera. Draculina13-imik taaguuteqarpoq. Taamaalilluni nunarsuarmi vampyrinik nuannarisallit naapittarpai. Imminnut links-inik, assinillu nassittarput aamma atuakkat filmillu, ilami suulluunniit vampyrinut tunngasinnaasut oqallisigisarpaat.

-Uanga Orlok, Grev Orlok. Taqqamani 'oqaloqatigiinnikuu-vugut'.

Aatsaat Julie paasisaqalerpoq. Ilaanneeriarluni Orlokimik taaguutilimmik chatteqateqartarnikuuvoq. Isumaqaarsimagaluarporli nukappiaraasoq tuluk 14-inik ukiulik, utoqqasaajunngitsoq pinniitsoq. Maani vampyritut atisalersorsimatillugu unnuannarsuarmi naapinnissaa takorloorsimangisaannarpaa. Ilami illarnaannarporluunniit. Taanna filmiartiteqatissarinerpaa? Qanoq aamma!

-Kiisami takkupputit. Vampyrip tigusaasaarnissannut pia-reeqqavit?

Aserorteriup iluata tungaaniit Juliep tungaanut ingerlalerpoq. Qeratarpaluttumik allorarpog. Matserfik attormagu inuaani kukii maajunnartut minnerpaamillu 3 centimeteriusut saqqummerput. Issiavik angugamiuk nakkaasaannarluni ingippoq. Qa-sungaarami soorlu qaqqarsuaq qaqqammigaa.

-Hajjar, qasuvunga, iggiingasumik oqarpoq. –Imatut atisalersorsimallunga ersinarpunga?

Julie anngaavoq. Ersinaqaarmi. Quilertanartumik ersinarpoq. Twilightimiittut Edwarditut ajuutiginaruunngilaq. Tamannami aamma pakatsissutigeqaa. Pakatsininili oqaatiginnigilaa.

Orlok issiaqqaarpoq pinnersaataasivimmiittullu passullugit. Kukiili taamak maajunnartigisut pinnersaatillu taama akisutigisut Juliep attuatikkusunnigikkaluaqai.

-Uangami aamma ersinarsoraanga. Taamaattariaqaramami. Inuttaaffissara nammeneq misigilluarumallugu aserorteriup unnuigama. Ersinaqaaq! Aasiaat qassutaannik ulikkaarpoq, allaammi teriarsuup niukka qarsuppai.

Takuammi, Julie eqqarsarpoq. Tusarnikuuaa isiginnaartitsisartut inuttaaffissatik ilikkarluarumallugit qanorsuaq iliorsinnaasartut. Soorlu isiginnaartitsissutissartik pualasuujuppat 10 kilonik oqimaalisinnaasartut. Taava sooq vampyriusaarniaraanni aserorteriup unnuisoqarsinnaassanngila? Julielli nammeneq taamaaliornissaa kajumigissanngikkaluarpaa.

-Sallunanga oqassaguma taartumiinneq ersigisaraluarpara, oqarpoq iggiingasumillu illariarluni.

Juliep eqqissisimanerulernini malugisinnaavaa.

Quluarpaluppoq. Orlokip utoqqatserpasilluni naani attorpai.

-Qangarsuanngorpoq imerlungalu nerigama. Neriuppunga filmiortussat takkutilissasut.

-Immaqaana kukkullutik arlaannut ingerlasimasut, Julie oqarpoq. Aammami naatsorsuutigineqarsinnaanngilaq Amerikarmiut filmiortitsiseqatigiiffiata, maani soqannginnersarsuarmi suut sumiinersut imaaliallaannaq nassaarisinnaassagaat.

-Sungiusarnikuuit? Orlok aperivoq. Tuloriaalu takisuut nuim-mata teriarsuarmut eqqaanarnerulerpoq.

Soorunalimi Julie sungiusarnikuuvoq.

-Piffissaa atorluarniartigu. Iseriarluta sungiusarniarta, filmi-lioneq aallartippat piareersimalluarniassaagut. Ilagut tikiutulerunarsipput.

Siunnersuutaa Juliep torrageqaa.

-Qularinngilara torrallagipput, Orlok oqarpoq nikuillunilu.

Aserorteriup iserput, matulu tunuannit matorluppallap-poq.

JULIE TORRALLAARUJUSSUARPOQ. Nillianera piviusorsiorpalaar-tupilussuuvoq. Uggornalaaginnarami Orlokip manuskripti maleq-qissaanngimmagu. Assersuutigalugu aserorteriup nusunne-qanngilaq makrelsalatitullu sequtsertigaluni. Imangertanngorpoq, nipeqanngitsumillu timmilluni aserorteriup qilaavani putut arlaatigut anillalluni. Narsaatini ivikkat isugutserimasut qulaal-lugit timmivoq. Ullaaralaap qaammarnigani ivikkat isugutserneri allaanngiivipput aap kuseriarneri.





Celia

Celiap toqunissani annilaangagisimavaa

ALLATTOQ ASSILIISORLU: RIKKE BRUNTSE DAHL

Celia makkortarpalulluni torsuusarsuakkut aggerpaluttoq tusaaneqarsinnaavoq. Ini atuarfigisartagaa atuarfiup isorpiaa-niippoq. Celiap uniformeqannginnini atuartunit allanit allaanerus-sutigaa. Aappaluartumik tujuuluaraqarpoq takisuumillu atequte-qarluni. Celia 9. klassiugaluarluni 22-nik ukioqarami atuarfimmi suut atussanerlugit nammineq aalajangersinnaanngornikuuaa.

Ukiuni sorsuffiusuni Celia atuartuusimannigilaq. Taamaattumik inersimasunngoreeraluurluni sulii atuartuuvoq.

Liberiami innuttaasut sorsuunneranni kingullermi Celiambut qatannngutaanullu – Alice 14-inik aamma Isaac Rooseveltilu 17-inik aamma 19-inik ukiulinnut - ajortorujussuarmik pisoqarpoq. Isaac Rooseveltillu oqallisigissallugu nuannarineq ajorpaat, Alicellu susoqavissimanera iluamik oqaluttuarisinnaanngilaa. Celialli sapinngilaa. Naak sakkortugaluartoq, pikitsitsisunit aallarussaasi-manertik oqaluusererusuppaa.

Pikitsitsisunit aallarussaaneq

Celia akunnattuungalaariarluni oqaluttuarluni aallartippoq. Sor-sunnerup aallarteqqaarnerani angutaat pikitsitsisunut ilaasimaga-luarpoq, akeraanullu naalakkersuisut sakkutuuinut nuussimalluni. Pikitsitsisut tamanna paasigamikku killuusisutut pillarniarlugu, ujarlugu Celiakkut illoqarfeeraanukarsimapput.

! Oqaaseq pikitsitsisoq (rebel) isumaqarpoq eqqissiviillortitsisoq. Iligit, innuttaasut imminnut sorsuunneranni naalakkersuisunut akerliusut pikitsitsisunik taaneqartarput.

Celiap taamani qassinik ukioqarnerluni eqqaamaqqissaanngilaa, isumaqarporli 12-13-it missaannik ukioqarsimassalluni. Kisianni pikitsitsisut illoqarfeeqqaminnut takkunnerat eqqaamaqqissaarpaa. "Pikitsitsisut tikiuppallulernerat tusaagatsigit pisinnaasarpud tamaat orpippassuarnut toqqoriartorluta arpappugut. Anguaatigulli tigusalutalu. Annilaanganikooqaanga," oqaluttuarpoq ukisilerlunilu.

Pikitsitsisut Celiap ilaqtai illoqarfimmud Harperimud ingerlassimavaat, illorsuarmullu pisoqqamud betonimud sanaamud qullersaqarfeqarfigisaminnukaallugit. Tassani angutaat illoqarfiup parnaarussiviani parnaarussimavaat. Angutaat unatarneqartarsimavoq nerisinneqassananilu. Piumaffigisimavaat sakkunik tunissagaatik, naatsorsuutigigamikku naalakkersuisuninngaanniit tunineqarsimassasoq. Kisianni tunineqarnikuusimannngilaq.

Ilaanneeriarlutik Celia Alicelu ataamik nerisassaanik pajunnissaanut akuerineqartarsimappud. "Taamaaliunngikkutta nerinavianngimmat," nassuiaavoq.

Eqqiaaqqullugit nerisassioqqullugillu pinngitsaalisarsimavaat

Meeqqat arnaallu illumi betoniusumi tigusaqqasimappud. Niviar-siaqqat arnaallu pikitsitsisunut nukappiararpassuarnullu ilaliussimasaannut nerisassioqqullugit eqqiaaqqullugillu pinngitsaalisarsimavaat. Celiap eqqaamavaa pikititsisut ilai franskisut oqaluttuusut, taamaamat Elfenbenskystenimiuunissaat eqqoriarsinnaavaa. Allat krahnitut (Liberiami nunap immikkoortuisa ilaanni oqaatsit) oqalupput. Illorsuaq inuppassuaqarsimavoq, angutaannangajannik. Unnukkut Celia qatannagutaalu natermi cementiusumi manngesumi sinittarsimappud.

Ilaanneeriarlutik pikitsitsisut illoqarfeeqqanut ungasinngitsumiittunut tillinniartarsimappud. Illorsuarmud betoniusumud uteraangamik assigiinngitsorpassuarnik agguartakkaminnik nassataqartarsimappud. Tassaanerused savaasat, kukkukuut nerisassallu allat.



Alice Celialu illorujussuarmi pikitsitsisunit tiguagaaqqasimappud.

Pikitsitsisut akuttunngitsumik aalakoortarsimappud, suaartaallutik soqqusaattarsimaqalutillu. Ilaanni pikitsitsisut Isaac Rooseveltilu allamukaattarsimavaat pinngitsaalillugillu pikitsitsisunut ilanngut-sinniartarsimallugit. Piumanngikkaangata annersartarsimavaat. Celia oqaluttuarpoq nammineq Alicelu annersinneqartarsimanatik.

Pisut tujorminaqisut atuunnerisa nalaanni, Celiap annannissartik qularilersimagaluarpa. Iluatsitsippulli. Sorsunneq taamaatissimavoq, FN-illu sakkutuui tikiussuutilermata pikitsitsisut qimagus-sorsimappud. Angutaat iperagaatissimavaat, taassumalu meeqqani arnaallu nassaareqqissimallugit. Allarpassuit ilagalugit lastbilerujussuarnut ikiorartinneqarsimappud illoqarfiullu ungasinngisaanut qimaasut najugaqarfiannukaanneqarsimallutik. Celiap pikitsitsisut peerunnerat ilaqtariillu ataatsimooqqilernerat qanoq oqilialla-tigisimatiginerini oqaluttuarileramiuk, nuannaarpasinnerulaalersimavoq.

Qimaasut najugaqarfigisaanni toqqissimasutut misigisimasi-mavoq. Tassani allequttanik siniffissaannik tunineqarsimapput, sivitsunngitsorlu qatanngutinilu najugaqarfimmi meeqqat allat ilagalugit arpaqattaarsinnaanngorlutillu pinnguarsinnaanngor-simapput. Alicep qimaasunut najugaqarfissiaq eqqaamasaqarfigi-neruaa. Illorsuarmi betoniusumi pisimasut ilarpasui eqqaamaru-sukkunnaarsimavai.

! FN-ip sakkutuui sakkutooqatigiit eqqissisimatitsiniartussatut taaneqarajupput. Eqqissisimasoaannarnissaa, isumannaallisaanissaaq innut-taasullu illersorneqarnissaat akisussaaqataaffigisussaavaat.

Nuannaarermik qiasimavoq

Sapaatit akunneri arlalialuit qimaasunut najugaqarfissiamereer-lutik illoqarfeeqqamut angerlarnissaminnut akuerisaasimapput. Celia Alicelu oqaluttuarput, illoqarfeeqqami ilaquuttatik ajunngitsut takugamikkit nuannaarnerup pianik qiasimallutik. Sorsunnerup kingorna atuarfik ammaqqimmat qatanngutigiit sisamaallutik atualeqqissimapput.

Celiap atuarnermi naammassinissaanut periarfissaqalersimanini nuannaarutigeqaa. Ullumikkut meeqqat Liberiami peroriartortut eqqarsaatigileraangamigit, qamanngavik neriuutigisarpaa sorsun-nermik misigisaqassanngitsut, naalliutsitaasimanermilu assinganik aqusaagaqassanngitsut. Neriutiginerpaavaa meeraatillutik atuarnissamat periarfissinneqassasut.

Celiap atuarnini naammassiguniuk suliffittaarusuppoq. Soriaassa-nersoq nalugallarpaa. Kisianni illoqarfeeqqat angalaarfigisinnaanis-saannut periarfissaqarusuppoq, inuit nunaannarmiut pitsaaneru-sumik atugaqarnissaat suliniaqataaffigerusukkamiuk. Siunissamik oqalliseqarnerata isaasa ilungersorpallunnerat tammartippaat. Maanna qungujulaqqilerpoq.



Celia pillugu
paasisaqarneru-
sinnaavutit uani
ibis.dk/liberiasbørn

Alice, Celia qatanngutaallu illoqarfimmi
atuarfigisaminni Bengwemi.



SORSUNNEQ EQQISSINERLU

Uani **ibis.dk/krigogfred**:

- Liberiami innuttaasut imminnut sorsunnerat pillugu paasisaqarsinnaavutit
- Nunami sorsuffiusumi inuulluni qanoq innersoq paasisaqarfiginerusinnaavat
- Meeqqat sakkutuujusut pillugit ilikkagaqarsinnaavutit
- Eqqissineq pillugu oqallisinnaavusi namminerlu eqqissineq qanoq anguneqarsinnaanersoq najoqqutassiuullugu
- Meeqqat pillugit nunat akornanni isumaqatigiisummik nammineq sanasinnaavusi

Innuttaasut imminnut sorsunnerat qanoq paasineqasava, aamma sooq aallartittarpa? Ilumoorpa meeqqat sakkutuutut akersuuttarnerat? Qimaasunut najugaqarfissiami inuuneq qanoq ippa? Liberiami innuttaasut ukiut 14-it sorsuunnikuupput. Naak massakut eqqissimanearaluartoq suli sorsuussimaneq nunamut sunniuteqartorujussuuvoq.

Innuttaasut imminnut sorsunnerat pillugu uani atuaqqissinnaavutit

ibis.dk/krigogfred



Nalunggiliuk ...

Liberiami innuttaasut sorsunnerisa nalaanni meeqqat 15.000-iniit amerlanerusut sakkutuutut akiummata?





Unnuap Ullaallu Inui

ALLATTOQ: LISE BIDSTRUP · TITARTAGARTAI: PATRICK LEIS

Nunap qeqqani portusuumik qaqqaqarujussuaqarsimavoq. Qaqqaq assigiinngitsunik qalipaatilinnik naasoqarsimavoq, amitsunik portusuunillu qilak angullugu talliniarsarisunik orpilik. Qaqqap naqqani orpippassuaqarsimavoq. Taakku orpissassuit akuli-keqalutillu taaqisut samungarsuaq siaruarsimapput.

Qaqqami Ullaap Inui najugaqarsimapput.

Orpippassuarni Unnuap Inui najugaqarsimapput.

Qangarsuarlili taamaassimapput.

Seqernup tarrilerluni orpiit nuui taartut qinngoraalu Kuni sinif-fimminit makippoq. Tasitsaarpoq eqeersarlunilu niaquni aalatil-lugu. Anaanami nerisassioreersimanera naamasinnaavaa. Pisarner-tuut suppi. Kuni solummippoq. Suppi qatsunikooqaa. Kisianni tassa Unnuap Inuulluni taamaappoq. Suppit unnuallu taartut, tassa inuunerat taama ingerlavoq.

Kunip puuguttani tiguaa, illullu, nammineq ilaqttamilu naju-garisamik saavanut ingilluni. Unnuaq kusanarniarunaqaaq. Qaam-mat imissisimavoq, sulilu qullannginnami ammalorpoq sungaar-luni angisoorujussuartullu isikkoqarluni. Erniinnaq angutit allat peqatigalugit orpippassuarnut suliaartussaaq. Naak Kuni 13-iinarnik ukioqaraluarluni angutinut ilaasarpoq. Piniassapput, qisunnik ikummatissanik katersillutik aalisarlutillu. Pisaamillu amerlaner-saat Ullaap Inuinut tunniutissavaat.

Taamaaliortuaannarsimapput.

Taamaaliunngikkunik sakkortuumik pillarneqartussapput.

Kunip qaqqaq, Ullaap Inuisa najugaqarfiat qiviarpaa. Kigutini kiivai. Taakku akunnerit 12-it qaangiuppata itissapput. Nerisassatik



ikummatissatillu pilliisarfimmu aassavaat, taamaalioriarlutillu ulloq seqinerlu iluataffigilissallugit. Kuni qaqqap tungaanut qiserpoq. Ullaap Inui uumigeqai.

-Piareerpit?

Arnaa matup killingani Kunip taquassai tujuularassamaatisaalu tigummiarlugit nikorfavoq, allaaqqikkaangat unnuaq nillernerusaqimmat. Kuni nikuippoq ujarallu isimmillugu.

-Sooruna taamaassasoq? Aperivoq. –Sooruna Ullaap Inui taamatut iluatatsittariaqarigut?

Arnaata kiinaatigut tagiarpaa. Assaata kissarnerata eqqissimisippaa.

-Erninnguaangaa tassa taamaattariaqarami, sallaatsumik oqarpoq. –Ilisimassutsip Atuagaa tillimassulli uagut taakkununga naalagarsiortussanngornikuuvugut.

-Sooruna nuunniangitsugut? Qaqqamiit qimagulluta?

Arnaa naammagittarluni qungujuppoq. Tamanna amerlasoorpassuariarlutik oqaloqatigiissutigisareernikuuat.

-Orpippassuit illuatungaanni soqanngilaq, akivoq. –Inuussutisaqanngilaq. Maaniinnerput uatsinnut ajunnginneruvoq.

Kunip angunni angajunilu marluk matukkut nuisullu taquasani tiguai. Anaanani inuulluaqqullugu kuneriarlugu

nipaakujulluni orpippassualiarpoq. Unnuap Inui anooraannguatut nipaatsigisumik orpiit akornini angalaarsinnaapput. Tamarmik piniallaqqissuupput, naallu Unnuap Inuisa angutitaat tamarmik orpiit akornisigit arpaqattaarlutillu pigaluartut tusaaneqarsinnaaneq ajorput.

Kunip kiinnani unnuap anoraannguanit supoortippaa. Piniarneq nuannareqaa, ingammik angunni qatanngutinilu piniaqatigalugit assut nuannarisarpaa. Nuannarinngisatuaraa pisamik Ullaap Inuinit tunniuttarneri.

Unnuaq taanna tuttorsuit marluk pisaraat. Angutiviaq angisooq arnaviarlu minnerusoq. Tuttorsuit akiarlugit qaqqap qut-



sinnerulaartortaanut pilliisarfiliaappaat. Unnuap Inuisa pilliivik qummut qaangeqqusaanngilaat. Taamaalioraluarunik Ullaap Inuinit pillarneqassapput. Pillaasoqarnissaa pisortaata Utoqqaanertap isumagissaqqaarpaa.

Ataataata tuttorsuaq pilappaa, neqillu kusartut mamarunartulu koorimut ikillugit – Ullaap Inuisa pissaat. Kingorna ilumiui saaniilu neqitaajarnikut puumut angerlaassassaminnut ikivai. Suli qaammat qaamavoq, erniinnarli tarrissaaq. Ataataata kiagukkami qaani allarterpaa nukappiaqqallu qungujullugit.

-Ernikkuut, piniarluaqaagut, tamanna tulluusimaarutissaavoq.

Kunip angajui nuannaajallapput, Kunilli neqit mamarunartut angerlaassinnaanngisatik kisiisa eqqarsaatigai. Unnuap Inui allat pilliisarfimmittut qissimippai. Taakku qisunnik aalisakkanillu qillaaluttuinnarnik koorinut angisuunut ikioraapput.

Tamarmik pisaamik amerlanerpaartaat tamaanga ilivaat.

-Angerlarniarta, ataataat nuannaarluni oqarpoq. –Aanaanap nerisassiani piareereersimassavai.

Kunip angajui ingerlapput, Kunili suugaluarnersumit noqineqartutut misigisimavoq. Ullumikkut inuit uumigingaakkani takorusuppai.

-Erniinnaq malissavassi, Kuni oqarpoq. –Ilagut ikummatissanik katersuisut ikiulaariarlugit.

Kunip angutaata tunuatigut pattalaarpaa.

-Erninnguara, torrak. Erniinnaq takussaagut.

Kuni sikippoq. Salluvoq. Qisunnik katersuisut ikiunngilai. Ilaquttani tarriinnartut orpigaaluit akornannut toqqorpoq Unnuallu Inuisa tamarmik tarrinnissaat utaqqilerlugu.

Sivitsunngitsoq seqineq qullariartulerpoq. Kuni sequnngeqattaarpoq. Qaqutigut ullup qaammarnga takusaramiuk isaanut annernarpoq.

Tusaalerasaarpai Ullaap Inui qaqqamiit ammukarpaluttut. Tummarpallattarnerat nipitoqaaq, Kunimullu allaanngillat nag-

guaatsut ingerlaarpaluinnartut. Kakkaak nipiliornikkaamata! Kuni tasitsaarpoq pilliisarfimmilu susoqarnersoq takuniarsaralugu. Arnarpassuit niviararpassuillu takkussimapput, ingerlaqqinnginnerminnilu ikioqatigiillutik koorit nammakkiussuullugit.

Niviarsiaraq ataaseq kiserngoruppoq. Arnar suaarpallappaa.

-Isa, aggilerpit?

-Naamik, isumaluppalluttumik akerpallappoq. –Taamaattoqarsinnaanngilaq!

Arnaq tunuppoq ingerlaqqillunilu. Isap qisumineq tiguua amullugu igipiloorlugu. Unnuap Inuisa illoqarfignisaata tungaanut. Kuni kamaammeqaaq. Niviarsiaraq kinaasorisoruna? Naammagittaalliornissamut pissutissaqarsorinerami?!

Ullaap Inuisa tamarmik ingerlanissaasa tungaannut toqqoqqariarluni, takutinnaveersaarluni angerlassamaarsimagaluarpoq, niviarisaqqalli kamatsippaa. Unnuit tamaasa nunaqqatinilu ilungersorlutik suleruluttarput nerisassaqarniassammata, niviarisararli isumaluppoq. Qungujulaannavik inuusussaagaluarpoq.

Kuni orpigaalunniit pissippoq tunuanullu qeqqilluni. Tillukkusukkaluarpaaluunniit.

-Niviarsiarapalaaq, suaarpoq.

Niviarsiaraq suaarneqarami tupalluni aalariarpoq, kigaatsumillu saatserluni.

-Kinaavit? Niviarsiaraq sorraakkunnaarsimalluni aperivoq. Nipaa sajulaarpoq.

-Uanga tassaavunga, illit ikinngutivillu ullut tamaasa inuulluataarnissaannik isumaginnittartoq, Kuni kamalluni oqarpoq.

Niviarsiaraq illalerisaarpoq.

-Inuulluataarneq? Tamaattoqarsoraajuk?

Kunip tupigutsalluni nakkuppaa. Koorit, Ullaap Inuisa arnartaannit nammanneqarlutik qaqqamut tarrereersimasut inikuat tikkuarpaa.

-Aap ... nerisassat. Taakku ...

Isa illakuluppoq.

-Ha! Mitallerpalulluni oqarpoq. – Qaarusunni sulisinnaaniassagatta ilamernginik pisinnaasarpugut. Sinneri ujaqqallu erlinnartut nassaagut TAMAASA Utoqqaanersap pisarpai. Ilissi naalagarigassiuk nalusimanavianngilat.

Kuni paatsuungarpassilluni kingumut alloriarpoq. Paasisaqanngivippoq.

-Utoqqaanertaq? Nipikitsumik aperivoq.

Isap talini siaarpai. –Aap, ilissi naalagarsi اساسarsi, Ullaap Inuisa naqisimaneqarnissaannik isumaginnittoq.

Kuni ileqimisaartorpoq. Paasisaqanngilaq.

-Utoqqaanertaruna ilissi naalagarsi. Ilisimassutsip Atuagaa tillikkassiulli, uagut, Unnuap Inui, ilissinnut inussiannorpugut, kamalluni oqarpoq.

Isap qaani patippaa. –Soorluuna tamatta sianiinaarsimagaatigut, uagut isumaqarpugut ilissi naalagarigissi, ilissi isumaqarpusi uagut naalagarigipput, Isa oqarpoq.

Kunip silaa kaavilerpoq. Ilumoornerpa angutip ataasiinnaap inuiaqatigiit marluk taama sivisutigisumik sianiinaaqqasimagai?

-Qanoq ililluni taamaaliortoqarsinnaagami? Oqamivoq.

Isap qalluni qullartippai. –Ilisimassutsip Atuagaa, oqarpoq.



-Taassuma inuit tappissitissinnaavai. Taanna tigummiarpaa. Taamaammanuna nakutissimagaatigut.

Minutsialunni oqartoqanngilaq. Naggataagut Kunip Isa qiviarpaa.

-Iliuuseqartariaqarpugut, oqarpoq. –Atuagaaq utertittariaqarparput!

Qaqqap illuatungaaliarlutik aallarput. Utoqqaanertaq sumiinnersoq Isap nalunngilaa, tassanimi Ullaap Inuisa nerisassanik ujaqqanillu erlinnartunik tunniussivigisartagaanni qaqqamut isaariaqarpoq.

-Quilertanaq, Isa isertarfiup saavanut pigamik oqarpoq.

Kuni uisorersarpoq. Unnuap Inuugami taartumi isiginiarneq sungiusimavaa. Torsuusaq iserfissaat takisuujuvoq tarrajullunilu. Isugutappoq imangertallu nivinngarlutik sinngupput.

-Qaagit, oqarpoq iserlunilu.

Ummatitik tillertorujussuit illumut aallarput. Nipit sila-taaneersut ingerlaannangajak tusaasinnaajunnaarpaat, eqqaallu tamarmi taarinnanngorpoq nipaarulluinnarlunilu. Torsuusakkut ammukajaajusukkut illumut ingerlalerput. Sangoriarneqangaarmat pukkinnersaqartarlunilu sivitsunngitsoq sammiveerupput. Kuni nipimik tusaasaqaleriasaarpoq unillunilu.

Nipi qanillartuaarpoq.

Qanoq perianngitsoq suugaluanersup tinngivigaa tunumullu uppitillugu. Kunip takusinnaavaa eqqamini sulilinnik aala-soqartoq.

-Pulateriaarsuit! Kuni nilliaavoq arlaannillu illersuutigisinaasaminik satsilluni ujaasilerluni.

Isap ujaraminersuaq tigoreersimavaa, pulateriaarsummullu, timiminut nerngussimasumut qunusueqaluni akiuussuataarluni. Kuni tilluaavoq tukertaallunilu, taamaallunilumi peersittukassavaa. Ujaramineq satsilluni nassaaraa pulateriaarsuullu niaquanut anaarlussaallugu. Pulateriaarsuk nipipalaamik nillierarluni nipaarutiivippoq.

Kunip Isa ikioriartupallappaa, ikioqatigiillutillu pulateriaarsuit nungullugit.

Qasoqalutik anniakujullutillu torsuusakkut ammut ingerlaqqipput. Taamaalluni torsuusaq silissiertulerpoq, iigaanilu qaamaqqutit ikumasut nivingapput.

-Tikiutiliivissimassaagut, Kuni isussuppoq.

AAAAIIIIYAAAA!

Qulaaniit suaarpallattoqarpoq, taamaaliniariartorlu inuarpas-suit qilaami toqqorsimaffimminiit meeqqat saassuppaat. Kunip iluatsitsilluni inuaqqat ilaat isimmillugu uppitippaa panaalu tigul-lugu. Inuaqqap allap qaasuppasissunik isillip tinngivigaa, piffissarlu kingullerpaq atorlugu Kunip panariarnera asserpaa. Kuni kaajalu-kaajutigaluni panariaqattaarpoq. Inuaraq uppippoq.

Saniani Isa inuaqqamut angeqatingajamminik anaalerutilim-mut akiuuppoq. Anaaseriaqattaaraluarpoq, Isali anaateriaqattaar-nerminit eqqortinnaveersarluni illuaqattaartoq uniortarpaa. Naggataatigut inuaraq qasungaarami anaalerutiniluunniit kivissin-naajunnaarpaa, Isallu naavatigut isimmippaa silaannakkoorteri-arlugulu iikkamut aportillugu.

Isap nutsani isimi nalaanniit illuartippai Kunilu qiviarlugu.

-Ingerlaqqissaagut?

Kuni qungujuppoq. Aatsaat taama niviarisqaqqamik kakkatsigi-sumik takuvoq.

Ingerlaqqilaaramik talerpimmut sangupput, torsuusarlu silissiar-tuaariarluni qaarusunngorluni.

Kuni Isalu tupannermik ataatsikkut illumut anersaarpallapput.

Qaarusuup qeqqaniipput ujaqqat erlinnartorpassuit, Ullaap Inuisa piffissap ingerlanerani katersortarsimasaat, qaavanilu anguterujussuaq pualasooq issiavoq.

Meeqqat isiminik isugutasunik ammut nakkuppai.

-Kiisami, takkutiaanngingaarassi, iggiingasumik nipeqarluni oqarpoq.

Kuni Isalu oqaaseqangillat. Angut pualangaarami aalariarsin-naanngilaq. Saassunneqaraluaruniluunniit imminut illersorsinnaa-navianngilaq. Taamaakkaluartoq nikorfaffimminiit nikeriannngillat.

Utoqqaanertap niaqquni kumippaa. –Eqqarsaatigisarpara qaqugu innuttasi ajortuliornera paasissaneraat.

Oqqani seqqortippaa.

-Ilimagisanniit sivisuneruvoq, maannalu qasuvunga.

Atuagaq issusooq saqqummerpaa.

-Paasitinniaannarlusiuna taamaaliornikuusunga. Ukiut hun-norujorpassuit matuma siorna innuttasi nukiit kisiisa atorlugit inuusinnaasoralutik, Ilisimassutsip Atuagaa sussakkeerpaat. Taamaattoqarsinnaanngitsoq uppersarniarsaraara.

Utoqqaanertaq anersaaruluppoq.

-Taamanili uppersarsivara. Silatusaalaaginnarlunga Unnuap Ullaallu Inui qanorsuaq iliortippakka. Ilisimassuseq ittannerunerlu atorlugit innuttasi akerariitilerpakka, sivitsungaarmallu kiisa qat-suppara.

Qanillimivoq meeqqallu isaasigut toqqarlugit qiviarlugit. Qungujukkiartuarpoq.



-Taamaattussaagamimi, meeqqat marluk susoqarnera paasivaat, anngaajutigaluni oqarpoq. -Taamaattussaagamimi.

Ilisimassutsip Atuagaa meeqqanut isaappaa. Kuni ujaqqat erlinnartut aqqutigalugit majuarpoq, tigullugulu.

-Pikkoreqaasi. Ilisimassuseq ilissi pisariaqarparsi. Innuttasi orninniasigit paasitillugillu atuakkap pitsaernerusumik inuuneqarnissamik ikiorsinnaagaasi. Ornissigit, nukiillu ilisimassutsimut silatusaernernullu ajugaasinnaanginnerat takutillugu.

Igartiterpoq naanilu pattalaarlugit.

-Uannut iluatannarnikooqaaq, oqarpoq.


-Uanga nammineq nukiit sumulluunniit atorfissaqartinneqanngilakka. Ilisimassuseq atorlugu perusutannik tamanik ilissi aggiussuitiinnarassiliuna. Maannali ingerlaniaritsi. Utoqqaavunga qasullungalu. Qarasama atortuarsimanagera nukinnik atuinikooqaaq.

Utoqqaanertaq sequnngerpoq oqaaseqaaqqinnanilu.

Meeqqat qaarusuk Utoqqaanertarlu qimappaat. Kunip Ilisimassutsip Atuagaa sakiamaniitippaa. Qaqqap iluaniit silaannarissumut anigamik Isa qungujuffigaa.

Tassa kimulluunniit inussiaasariaarupput.

Tassanngaanniit Ullaap Unnuallu Inui immikkorunnaarlutik inooqatigiilerput. Ilisimassutsip Atuagaa tamarmik pigaat, ataatsimoorlutillu inuuneq nunarsuullu sinnera ilisimatusarfigissavaat.





Atuarneq Nunarsuarmi Tamarmi 2011-p - ingerlasimanela!

Asasakka atuartut

Ilissi ilinniartitsisusilu peqataagallartillusi, ukioq kingulleq Atuarneq Nunarsuarmi Tamarmi ingerlalluarsimaqaaq. Ukioq kingulleq atuaqatigiullusi, atuartut 180.000-it ilinniartitsisullu 10.000-ingajaat akuuffigisimagussigit, suliniutip ingerlalluarneranut peqataasimassaasi:

- 2011-mi Bolivia sammivarsi Marvinnilu paaavimmioq aamma Lezly siallersartup orpippassuini ilorpassorujussuarmioq pillugit atuarpusi. Ilaatigut ilinniarparsi Boliviami oqaatsit assigiinngitsut 37-t atorpeqartartut, paaavimmi El Tiomut qinusoqartartoq, nunaannarmilu naatsiiat assigiinngitsut 200-t naatinneqartartut.
- Ilissinnit 940-t Lezly guarani-indianerisut allaffigaat, uanilu atuakkami Lezlyp allagarsiarpasuani qanoq isumaqarfiginerai atuarsinnaavarsi.
- Ilissinnit 4583-it "Nunarsuup katitigaanerani ikkutassaq ataaseq"-imut titartaapput. Danmarkimi katitertakka anginerpaartarilerpaat, Børnernes Rekordbogimullu ilanngunneqarluni.
- Nunanut allanut ministeriusimasoq Troels Lund Poulsen katitertakkaq ilaanit ataatsimik tunineqarpoq. Aamma maanna meeqqanut atuartitaanermullu ministeri Christine Antorini Københavniimi ullormi pisoqartitsiviusumut takkuppoo katitertagarlu kusanaqisoq takullugu. Taakku politikerit marluk meeqqat tamarmik atuarnissamik piginnaatitaaffeqarnerannik tapersersuipput.



- Atuarfissinnit 50-it LæseKaravanimit pulaarneqarput. Læse-Karavanen tassaavoq inuusuttut arfineq-pingasut, Boliviami meeqqanut AtuaRakettimiittunut pulaarnikut, tamatumalu kingorna atuarfinni videonik assinillu angalanerminni assilisa-minnik takutitsisaqattaarnikut. Ilarpasuasi Boliviamiut nasaat bowlerhattit atequtaallu misilippaat.
- Illoqarfiit aviiseeraasa 264-it atuarfisi, alutornaqisunik immikut sammisaqarnisi, qulequttamik aalajangersimasunik sammisaqarnisi atuarfinnilu suliasi allaaserisimavaat.
- Minnerunngitsumillu atuaqatigiippassuit equiniutinik tunin-aanissartik imaluunniit isumassarsiullaqqilluinnarlutik kater-suinissartik toqqarsimavaat. 600.000 kr.-t katersorsimavasi. Katersukkasi katikkaanni Boliviami atuartut 1715-it atuar-fimmut "Atuarfik tamanit paasinarloq" –mut atuartuusinnaan-gortippasi.

IBIS-ip meeqqat tamarmik atuartuunissaannik sorsuuteqaqataasusi tamassi qutsavigaasi. 2012-imi suliniuteqarnitsinni neriuppugut nuannersunik misigisaqarumaartusi, nunarsuarlu avatangiisersi ilikkagaqarfiginerujumaarissi. Ilissi peqatigalusi suli meeqqat amerlanerit 2012-imi atuartunngortissinnaavagut.

Asannittumik inuullaqqusilluta
IBIS

Atuakkiortut assiliartalersuisullu

LISE BIDSTRUP

Lise Bidstrup atuakkiortuuvoq 2005-imilu atuakkiani siulleq saqqummersillugu. Taassuma kingorna amerlasuunik saqqummersitsisimavoq, ilaatigut takorluukkersaarut nangeqattaartoq *Spiralen*, aamma svenskisut saqqummersimasoq. Aamma pinerluttulersaarut nangeqattaartoq *Meleagos Detektivbureau* aamma illarnartuuliala nangeqattaartoq *Djævel på Dåse* atuakkiarpassuinut ilaapput.

Lise Københavns Universitetimi upperisarsiornermi ilisimatusarnikuuvoq, inutaaatitanilu pingaernerit nunani allaniitissallugit assut nuannarisarpaa, taamaalilluni piorsarsimassutsit oqaluttuaatillu assigiinngitsut oqaluttualiamini akulerussuusinnaasaramigit. Lisep atuakkiai arlalinnut akissarsissutigineqartussanngorlugit toqqassanngortinneqarnikuupput: Orlaprisen 2008-mi aamma 2010-mi, Bogslugerprisen 2011-mi, 2011-milu Kulturministeriets Drengelitteraturpriskonkurrence-mi nr. 2 akissarsissutigaa. Lisep naammassisarpassuani pis-sutigalugit Sverigemi taaguuteqalersimavoq, Danmarkip atuakkanik naqiterivia, tamannalu inuttaata quiaqiinnarpaa.

LILLIAN BRØGGER

Lillian Brøgger ukiuni qulikkaani pingasuni atuakkat assitalit hunnorujut sinnilit, atuakkiait titartagartalersukkat, titartakkat naatsukullaliat, atuakkat ilinniutit graphic novels-illu titartaasuuffiginikuai. Lillian Brøggerip atuakkiai nunani 18-imi saqqummersinneqarnikuupput. 2011-mi Goethes *Den unge Werthers lidelser* ip titartagartai Kulturministeriets Illustratørpris-imik pissarsissutigai, 2009-mi the International Hans Christian Andersen Award-imut, 2011-mi 2012-imilu the Astrid Lindgren Memorial Awardimut piukkunneqarnikuulluni.

JARL EGEBERG

Jarl Egeberg titartakkanik filmiortartutut ilinniarnikuuvoq filmiaqqaaraalu *Sidste Nat*. 2000-imi Designskolen, GCADT, Wales-imi BA soraarummeerutigisimavaa. Maanna Tegnestuen Rævestreger pigaa, titartaassunnikuusaasalu ilagai Bjarne Reuter, Morten Ramsland, Lille Nørd kiisalu Sebastian Klein. Jarlip suliarisarpai atuakkat assiliartallit, atuakkat saqqai, plakatit storyboards-illu. Kiisalu aamma atuagassiat, quppersakkat, atuakkat ilinniutit magasinillu titartaasuttarpai. Saniatigullu suliffeqarffinnut angisuunut minnerusunullu aamma ilin-niarfeqarffinnut soorlu Fregatten Jyllandimut aamma Designskolen i Koldingimut siunnersortaavoq.

Jarlip titartagai, iikkanut kusassaatiilii animationsfilmiaalu pillugit paasisaqarnerusinnaavutit nittartakkami www.raevestreg.dk

HENRIK EINSFOR

Henrik Einsfor atuakkiarpassuaqarpoq, ilaatigut atuakkat nangeqattaartut *Max Skræk*, *Ali Zongo*, *Dykker-detektiverne*, *Svend Svovls bedrifter* minnerunngit-sumillu Jack Stump. Atuakkiortup nammineq pissanganartut ersinartullu nuannareqai, illarnartoqalaanngikkaangatali pikkunaagisarlugit. Tassami pequerneq sorraannerlu tulluareeqimmata. Ersinartut qiiaamminartariaqarput illarnartullu qitutsinnartariaqarlutik.

Henrik Einsfor Københavni ilaani Vesterbromi najugaqarpoq, 1991-imilu atuakkiqqaarluni. Maanna 70-init amerlanerusunik atuakkioreerluni atuakkiorneq, oqalugiartarneq skriveworkshoptitsisarnerlu inuusutissarsitutigai. Oqaluttua-liassanik nutaanik nassaartortuurtuuvoq atuakkiallu arlallit ataatsikkut ingerlas-sinnaasarlugit. Nivissat vampyrinoortuupput- ip titartagartai .. Rasmus Jensenimut titartarneqarput.

LENE FAURBY

Lene Faurby bibliotikariuvoq atuakkiortuullunilu. Meeqqanut mikisunut angisuunullu atuakkiortarpoq – oqaluttualianik, atuaruminartulianik atuakkanillu assiliartalersukkanik. Atuakkiaasa nutaanersaraat *Vampyrens offer* aamma *Anton og den lille fugl*. 1987-imi saqqummersitseqqaarpoq, tamatumalu kingorna amerlasuunik saqqummersitsisarnikuulluni. Mette og Anton pillugit atuakkiai nukarlernoortuupput, akullernut atuakkat nangeqattaartut *Et farligt rollespil* og de fire venner der har dannet en forening til bekæmpelse af vampyrer atuak-kiarai. Angajullernut oqaluttualiat asanninilersaarutit pissanganartullu, Kalaallit Nunaanni pisimasuutinneqarnerusartut atuakkiarai. Lenep atuakkiai Chilemi, Sverigemi, Savalimmiumi Kalaallillu Nunaanni nutserneqartarnikuupput saqqum-mersinneqartarnikuullutillu.

Paasisaqarnerusinnaavutit nittartakkami www.lenefaurby.dk

KATRINE MARIE GULDAGER

Katrine Marie Guldager taallianut, naatsukullalianut oqaluttualianullu amerlasuun-ut atuakkiortuuvoq, meeqqanullu atuakkianut frøken Ignora-nut atuakkiortuul-luni . Atuakkiai svenskisut, norskisut, tyskisut tuluttullu nutserneqarnikuupput. Oqaluttualiaa kingulleq *Ulven* 2010-mi ukiakkut saqqummerpoq. Katrine Marie Guldager arlalinnik akissarsinneqarnikuuvoq, ilaatigut Statens Kunstfonds 3-årigge arbejdslegat aamma Kritikerprisen.

Katrine Marie Guldager Hillerødimi peroriartorpoq angajoqqaarlugit skov-brugskanditateq landskabsarkitekterlu. Pingasuniit arfinilinnik ukioqalernissami tungaanut Zambiami angajoqqaanilu najugaqarsimapput. 1994-imi danskit oqaasiini Københavns Universitetimi cand. Phil.-inngorpoq, ukiorlu taanna aamma Forfatterskolenimi naammassilluni.

ANNETTE HERZOG

Annette Herzog DDR-iusimasumi Berlinip eqqaani inunngorpoq, tassanilu danskit tuluilu oqaasi ilinniartugit. 30-nik ukioqarluni Danmarkimut nuussimavoq. Meeqqanut atuakkiaa siulleq *Man ved aldrig med Emilie* 2000-imi danskisut

saqqummerpoq. Tamatuma kingorna Forfatterskolen for Børnelitteraturimi ilinniarpoq kingornatigullu illarnartunik, eqqarsaammernartunik ersinartunik, takisuunik naatsunillu aamma ukioqatigiinnut assigiinngitsunut amerlasuunik atuakkiorsimalluni. Assersuutigalugu atuakkiaa *Flyveren fra himlen* niarviarsiaqqamut sorsunnermit qimaalluni Danmarkimut pisumut tunngasuuvooq.

Atuakkia amerlanerit Danmarkimi saqqummertarput, ilaatigooriarlunili Annette aamma tyskisut atuakkioortarpoq raatiukkullu tusarnaagassioortarluni. Atuarfinni oqalugiartarpoq workshopertitsisarunilu aamma Forfatterforeningens Børne- og ungdomsgruppe-mi aqutsisunut ilaasortaavoq. Paasisaqarnerusinnaavutit nittartakkami www.annetteherzog.com

RASMUS JENSEN

Rasmus Jensen titartaasuannarnikuuvooq, 1998-imilu Viborgimi animationsværkstedet-imi animatoritit ilinniarnikuulluni. 2006 tikillugu nunarsuarmi sumi tamaani titartakkanik filmiortarpoq, ilaatigut *Asterix og vikingerne*. Kingornali Rasmus Danmarkimi najugaqalerpoq titartagartalersuisartunngorlunilu namminersortoq, meeqqanoortut aamma ilinniutit titartaasuuffigisarsimavai, ilaatigut atuakkioortumut Kirsten Ahlburgimut. Atuakkanut nangeqattaartunut Max Skrækinut, titartakkanut nangeqattaartunut qanganisanut "Gys og Gru" –nut Henrik Einsporip nersorinninniarluni atuakkiaanun, aalajangersimasumik titartaasuuvooq. Kiisalu Rasmus atuakkat saqqaanun, titartakkanut nangeqattaartunut, computer- og brætspil-inut, storyboardsinut konceptudviklinginullu titartaasuusarpoq. Digtal aamma aqerluusaq atortoralugit sulisarpoq, oqaluttuarisaanermut tunngasut takorluukkeraarutillu nuannarisarai. Rasmusip suliai pillugit paasisaqarnerusinnaavutit nittartakkami www.rasmusillustration.dk

MILLE ETTRUP KLEIN

Mille Ettrup Klein Københavns Universitetimi Medievidenskabimi stud. mag-iuvoq. Mille titartaasartuuvooq imminut ilinniartinnikoq mikisuunerminniillu titartaasuannarnikuulluni. 2011-mi Carsten Jensenip siulequtsiussaanut titartaasuuvooq kiisalu oqaluttuami AtuaRakettiimiittumi *Terianniaq Antonio-mut* titartaasuusimalluni. Millep maanna Danmarkimi mediebranchemi kreative processer og innovation pillugit specialini allappaa. Tamatumalu saniatigut magasinimi *ISABEL-LAS-imi* studentervedhjælperiuvoq Facebook nittartagarlu akisussaaffigalugit.

PATRICK LEIS

Patrick Leis freelancer-illustratoriuvoq imminut ilinniartinnikoq. Atuakkat 150-it missai saqqaliornikuai, assiliartalersuisuuffippassuaqarpoq, iikkamut titartakkanut motorcykelinullu kusasassaatinik suliaqarnikuulluni. Saniatigut filmilianik assinillu il.il. special effektilerisuuvooq makeupillu atorlugit sulisaqaluni. Aamma bodypaintimi VM-imi EM-imilu ajugaanikuuvooq.

Patrickip meeqqanut inersimasunulluunniit allanneq titartaanerlu nuannareqai oqaluttualiallu 20-t sinnilaarlugit saqqummersinnikuullugit, qiaaminartuniit (ilaatigut Necrodemic-sagaen) science fictioninut, meeqqanut atuakkiaat angalanilersaarutillu takisuut. Sulinngiffini tamaat nunarsuarmi paasisassarsiorluni angalanermut atortarpaa toqullu kingorna inuuneqarnera upperilluinnartuullugu.

AtuaRaket 2012

Siullermik naqinnera

©Inerisaavik, IBIS suleqatigalugu

ISBN: 978-87-585-1165-2

©Originaludgave, Atuakkioortut, assiliartalersuisut, assilliisut IBIS-ilu.

Immikkut qutsavigaagut atuakkioortut assiliartalersuisullu akeqanngitsumik atukkiussinerannut. Aammalu qutsavigaagut aqqissuisut Eva Mondrup aamma Marianne Vestergaard.

AtuaRaket 2012-ip imarisai IBIS-imit atuakkioortunilu akisussaaffigineqarput taamaalillutillu tunisisut aningaasaliisullu isummersornerannik takutitsisunatik.

LæseRaketten 2012 Danidamit aamma Center for Undervisningsmidler-imit tapersorneqarluni saqqummersinneqarpoq.

Aaqqissuisut

Helle Gudmandsen, Marianne Vestergaard,

Eva Mondrup, Hanne Selnæs aamma Dorthe Nielsen

Assilliisut

Tine Harden, IBIS, Ricardo Ramírez,

Peter de Reuter, UNHCR

Saqqaanii asseq: Lotte Ærsøe, IBIS

Ilusaata aqqissuunera

OKTAN, Peter Waldorph

Kalaallisuunngortitsisoq

Kathrine Knudsen, Inerisaavik

Kukkuersioortut

Ayla Grønvoold Benjaminsen, Inerisaavik

Naqinneqarfik

EJ Graphic

Odder

Nassiussuisoq

Inerisaavik

Postboks 1610

3900 Nuuk

Tlf.: 349889

www.inerisaavik.gl

ATUARTUNUT TAMANUT oqaluttuat, filmit, assit suliasallu uani nassaarisinnaavatit ibis.dk/verdeniskole

AtuaRaketti aamma meeqqat tamarmik ilinniagaqarnissamik piginnaatitaafeqarnerat qanoq isumaqarfiginerlugit uani allagaqarsinnaavutit www.ibis.dk/verdeniskole

Ibis 
Ilinniartitaaneq ineriartortitsisarpoq



AtuaRaket ukioq manna Liberialiarpog - nunarsuarmi nunat piitsunersaasa ilaannut. Tassani ukiut 14-it sorsuunneqarsimavoq. Aatsaat 2003-mi eqqissineqarpoq. Nuna sorsuffigineqarsimagaangat napparteqqinniarnera sivosoorujussuarmik pisarpoq, ingammik nuna piitsuugaangat, aqqusinniornissamut, atuarfiliornissamut, illuliornissamut napparsimaviliornissamullu aningaasassaqarpiarani.

AtuaRakettimi meeqqat inuusuttullu pillugit atuarsinnaavutit. Inuunerat siunissamullu takorluugaat tusagaqarfigisinnaavutit. Ukioq kingulleq nittartakkatsinnut niarsiaraq allassimavoq:

"..AtuaRakettimi oqaluttuat kisiisa tusarneq ajorpogut, aammali piviusut - piviusumi pisut!"

Liberiami Blessing gummiplantageami najugalik, aamma Cyrus USA-mi najugaqalernissaminik takorluugaqartoq pillugit atuarsinnaavutit. Nukappiaqqat Frederick Michaelilu, nuannaartorisamittut 50 centituut rappertartut, Rose nunap sanilerisaanit Efenbenskystenimiit qimaanikoq, aamma 17-inik ukiulik Erastus, Liberiap nunanut allanut isikkamik arsarluni unammisartoqatigiivini arsarartunngornissaminik takorluugaqartoq naapissinnaavutit.

Liberiami meeqqat pingasuugaangata marluk atuartuuneq ajorput. AtuaRakettimi nukappiaqqat marluk ullut tamaasa motorcykelinik errorsillutik sulisartut pillugit atuarsinnaavutit.

Aamma nuannersunik pissanganartunillu oqaluttuanik takorluukkarsaarutinik imaqarpoq. Soorlu ukioq manna vampyrit, alersit oqaluttartut siuterorsuillu angivallaalaatsiartut pillugit atuarsinnaavutit. Qilanaalereersinnaavutit.

Suli meeqqat 67 millionit atuartuungillat. Tamanna allangortinneqartariaqarpoq. AtuaRaketti angalaqatigilluarisiuk.